

বাসব-উপহার ।

অথবা

ভারত সতী নাটক ।



শ্রীশ্যামলাল মল্লিক ।

কর্তৃক প্রণীত ।

নিজং সতীত্বং বহুমলা রত্নম্ ,
যদ্বেন রক্ষন্তি বরাশচনাধাঃ ।
দেবং প্রযচ্ছন্তি সতীত্ব মাসাং ,
প্রায়ন্তি গাথাং সতত সতীনাম্ ।

সনাতন যন্ত্রে ।

শ্রী চন্দ্র নাথ গুহ

দ্বারা মুদ্রিত ।

কলিকাতা ।

১২৮৮ সাল ।

(All rights reserved)

উপহার ।

পরম পূজনীয় শ্রীল শ্রীযুক্ত বাবু লোকনাথ মল্লিক

পিতাঠাকুর মহাশয় শ্রীচরণ কংমলেষু

ভাত ।

প্রীতির কুমুম যতনে গ্রন্থণ করিয়া উক্তি সহ-
কারে করপুটে ধারণ করিয়াছি, সাদরে আপনার চরণে
অর্পণ করিবার বাসনা; কিন্তু ভয়ে সাহস হইতেছে না; তথাপি
এই সাহসে অর্পণ করিতেছি যে 'আমি আপনার প্রিয়
পুত্র এবং আমার প্রতি আপনার অতিশয় স্নেহ ও আছে,
সুতরাং আমার প্রীতির ও যতনের উপহার অন্যের নিকট ইহা
ঘণিত হইলেও আপনি যে ইহাকে অনাদর করিবেন না বলা
বাহুল্য। কারণ স্নেহের চক্ষুতে নীরস বস্তুকেও মরস দেখায়,
এই আশ্বাসেই আমার এই প্রথমমানমজাত ভারত-সতীকে
অপনার শ্রীচরণে অর্পণ করিলাম ।

কলিকাতা
সন ১২৮৭ সাল

আপনার একান্ত আঞ্জামুর্ভি
শ্রীশ্যাম লাল মল্লিক

বিজ্ঞাপন।

মহানুভব সাধারণ জনগণ সমীপে নিবেদন এই যে
আমার এই ক্ষুদ্রকার প্রথমমানসজাত “বাসব উপহার
অথবা ভারত সতী” নাটক খানি পুস্তকাকারে কাহাকেও
দেখাইবার বাসনা ছিল না। ইহা গৃহে অভিনয় করণাভি-
প্রায়েই লিখিত হইয়াছিল; কিন্তু আমার প্রিয় সুহৃদয়
শ্রীযুক্ত বাবু বিহারি গাঙ্গুলী মুখোপাধ্যায় ও শ্রীযুক্ত বাবু জহর
লাল সেন এই পুস্তক মুদ্রাঙ্কণ করণ বিষয়ে বিশেষ অনুরোধ
করাতে আমি অগত্যা সম্মত হইয়াছি। কিন্তু ভয়ে প্রাণ
শুষ্ক হইতেছে, কারণ কখন লেখনী ধারণ করি নাই; কি
জানি যত্নপি সমাজে হাস্যাস্পদ হই। এক্ষণে মহাদয়
পাঠক এবং পাঠিকাগণ নিজগুণে দোষভাগ পরিত্যাগ
পূর্বক গুণগ্রহণ করিলেই লজ্জা নিবারণ ও শ্রম সার্থক
বোধ করিব। ইতি

কলিকাতা)
সন ১২৮৭ সাল)

প্রিন্টকার
শ্রীশ্যামলাল মল্লিক

নাটোমিখিত ব্যক্তিগণ ।

পুরুষ ।

মহারাজ যশোবন্তু সিংহ—যোধপুরাধিপতি ।

জ্ঞানালোক—মন্ত্রী ।

ইন্দ্রসিংহ—রাজকুমার ।

অমর সিংহ—সেনাপতি ।

ভট্টনারায়ণ কুবিরত্ন—রাজসখা ।

অজয়সিংহ—উজ্জয়িনীর রাজা ।

বিজয় সিংহ—রাজভ্রাতা ও সেনাপতি ।

গনপত শাস্ত্রী—অমাত্য ।

বরকন্দাজখাঁ—পাঠান দণ্ড্যপতি ।

তেজ খাঁ—সহকারি নায়ক ।

নাগরিকবয়, ছুতবয়, সৈন্যচতুস্তয়, প্রহরি, পথিক ডাক্তার
ও দণ্ড্যগণ ।

স্ত্রী ।

রাণী—উজ্জয়িনীর পার্টিরানী ।

বসুমতী ও বিমলা—রাণীর সখিবয় ।

শশীকলা—রাজকন্যা ।

প্রিয়ম্বদা, দিলাসবতী ও তমালিকা—রাজকন্যার সখীগণ ।

অশ্বমতন—পাঠান পরিচারিকা ।



বাসব উপহার নাটক ।

প্রথমাক ।

প্রথম গর্তাক ।

(উজ্জ্বলিনীর প্রমোদ কানন সমীপস্থ প্রাস্তর—চারিজন
সেনা দুই জন দণ্ডার পশ্চাৎকাবিত হইয়া ধর ২ ও মার ২
শব্দ করত বহির্গত ও প্রবেশ)

১ম—সে । বেটারা বড় পালান হে !

২য়—সে । প্রমাই আছে তাই এ যাত্রা বেচে গেল !

৩য়—সে । প্রমাই আর কদিন । আজ না হয় কাল । প্রমাই
আমাদের হাতে , যাবার কি আর যো আছে !

৪র্থ—সে । (ভঙ্গিমার সহিত) এক বেটা আমার দিকে একটা
বন্দুক ছুঁড়ে ছিল, ও ভাই ! গুলিটা আমার কাছ দিগে
মন কোরে চলেগেল । আমি মনে করুম আমার
দুই কানটা উড় গেল, দেখ দেখি ভাই আমার
কানটা আছে কি না ?

৫ম—সে । হাঃ হাঃ হাঃ দেখ ভাই এক বেটা মোটা ডুড়িওয়ালা
দৌড়তে ২ দড়াম করে পড়ে গেল, আর আমি অমন
দিগে বেটার ভুঁড়িতে এক কোপ ! হাঃ ! হাঃ ! হাঃ !

৬য়—সে । আজ কত গুলো নিকেগ হয়েছে হবে হে ? একশ টা
হবে না ?

৩য়—সে। দুর্ একশটা কি! কুমার তো একলাই পঞ্চাশটে
নিকেস করেছে। তা ছাড়া কেও আট্টা, কেও দশটা,
আজকে দুশটার কমনয়।

৪র্থ—সে। তা আর হবেনা? আজ কাটতে ২ হাতের কবজি
গুলো সব টিলে হয়েগিয়েছে।

১ম—সে। আর তলোয়ার গুলো ও সব দাঁত পোড়ে ভেঁতা
হয়ে গিয়েছে। না সামালে আর কাজ চলবে না।

২য়—সে। সুবাদার, ভাই এক বেটার ঠেঁয়ে কিছু পেয়েছে।

৩য়—সে। কি পেয়েছে হে!

২য়—সে। বোধ হয় হিরের আংটা ফাংটা কিছু হে।

১ম—সে। তা সে পাবেনা কেন বল! আমাশালাদের কপালে
আর কিছুই হবেনা, (কপালেহান্দিয়া) এপোড়
কপালে চপটাকার বেশি আর এক কড়াও নেই!

৪র্থ—সে। হাঁভাই কুমারের কি ক্ষমতা! এক এক কোপে তিন
চারটে মাথা নিকেশ!

১ম—সে। তা হবেনা কেন বল, দুধ ঘির জোর, আর শুকনো
চানার জোর কত তফাৎ!

২য়—সে। আরে দুর্ খেপা! তানয় ও সব টাকার জোর।

২য়—সে। ওরে! চুপকর ২, কুমার আসছেন।

(কুমার ইন্দ্র সিংহের প্রবেশ ও সকলে এক পার্শে দণ্ডায়মান)

কুমা। আর সব্ কোথায়!

১ম—সে। আজ্ঞে আর সব্ তাঁবুতে গিয়েছে।

কুমা। আচ্ছা তোমরাও যাও, আমি একটু পরে যাব।

১ম—সে। যে আজ্ঞে।

(১)

(সেনাচতুষ্টয়ের প্রশ্ন)

(কুমারের একটি বৃক্ষ ছায়ায় উপবেশন ও চিন্তা)

কুমা।

উঃ ! আৰু মহা হৰণা ! আজি একান্তিক্ৰমে প্ৰায় একবৎসৰ কাল কেবল বনে ২ পৰ্ব্বতে ২ পৰিলম্বাই কৰিতেছি। কি বোধ, কি বৃষ্টি, কি হিম্বু কিছুতেই ক্ৰম্প্ কৰিনাই। অচৰিত কৃপান ধাৰনে হত আলিক একেবারে মোহিত হই গিয়েছে। কিন্তু এখনো পাৰ্শ্বা দক্ষিণাতিকে পৰ্ব্বতে পাব্লাম না। দেখি দুৰাশা কৰিন, নু কি ব থাকে। হাঃ ! কত দিন যে পূজ্যপিতা পিতা মাতার চরণ দৰ্শন কৰিনাই, বন্ধুগণকে দেখিনাই, তা বলিতে পারিনা। —আর কত দিন যে দুৰাশার জন্য এ যজ্ঞা ভোগ কৰ্ত্তে হবে তা ও জানিনা। কি কৰি, পিতার আদেশ, সেই পামৰকে হস্তগত না কৰেই বা কি কৰে যাই। এপৰ্য্যন্ত পিতা ও কোন সংবাদ পাঠালেন না ; মন ও আমার অভ্যন্ত বিচলিত হয়েছে। কি কৰি; দেখি আরও মস্তাচ কাল অপেক্ষা কৰিয়া দেখি, যদি কোন সমাচার না পাই তা হলে না হয় একবার কিছু দিনের জন্যে পিতা মাতার চরণ দৰ্শন কৰে আসবো। যাই এখন নিবিব্লে যাই। (উৰ্দ্ধে দৃষ্টি কৰিয়া) উঃ কি ভয়ানক মেঘাডম্বর হয়েছে। (মেঘ গৰ্জন ও বিদ্যুত, চিন্তার কি অদূত মোহিনীশক্তি ! এত ভয়ানক ঘটনা হয়ে উঠেছে তা আমি কিছুই জানতে পারিনাই

(ঝটিকা ও মেঘ গর্জন) তাইত এ যে ভয়ানক
বিপদ উপস্থিত। নিবিন্দে যে শিবিরে যাই তারওত
কোন উপায় নাই। হা বিধাত ! এত কষ্ট দিয়া ও
তোমার মনস্কাষণা পূর্ণ হইল না (পুনর্বার মেঘ
গর্জন—ঝটিকা ও বিদ্যুৎ) না—কপালে যা আছে
তাই হবে। (কুমারের বেগে গমন)

দ্বিতীয় গর্ভাঙ্ক ।

(উজ্জয়িনীর প্রমোদবনস্থ রাজকন্যা শশীকলার নৃত্যাঙ্গার ।

শশীকলা, প্রিয়ম্বদা, বিলাসবতী, ও তমালিকা আসিন)

(নেপথ্যে মেঘ গর্জন)

শশী ! সখি প্রিয়ম্বদে ! আজ একি দুর্যোগ ভাই। বসন্ত কালে
এত দৃষ্টি ! আজ রাত্রেত ভাই আমার ঘুম হবেনা !

প্রিয় । কি করে ঘুম হবে বল ঘুম পাড়াবার লোক থাকত ত
ঘুম হত।

শশী । (ক্লান্ত ক্রোধে) যাও ভাই ! তোমার কেবল ঐ
আছে। তুমি ব্যাধ না হলে থাকতে পার না।

(সখির প্রতি রাগ করিয়া এক পার্শ্বে উপবেশন)

প্রিয় । আহা ! সখির আমার অভিমান হল কে তার সাধ্বে
ভাই আমিই সার্থি ! (শশীকলার পদ ধরিয়া)

ভ্যাজ মান মানময়ি ক্ষম অপরাধ লো ।

না জেনে করেছি দোষ, ধরিতব পায় লো ।

শশী । যাও সখি ! আর হাড়্ জ্বালিও না। দুপের স্বাদ কি
ঘোলে মেটে।

(সকলের উচ্চ হাস্য)

বিলা । আহা সুপকর ভাই । ভগিনী তমালিকা বীনার সহিত
কেমন গান ধরেছে শোন ।
তমা । (বীনার সহিত গান)

জংলা বেহাগ । কাওয়ালি ।

ভাবিনা সবি আর সে কাল রতন ।
চাহিবনা, চাহিবনা থাকিতে জীবন ॥
ধ্রুমন নিষ্ঠুর কাল, কেমনে জানিব বল,
তাহলে কি হতে হত এক জ্বালাতন ॥
আজিকে এমন দিনে, কি বলিব এক দিনে,
হতেছে বিষম ভার এ ছার জীবন ॥—

প্রিয় । কি করবে বল ভাই ? ভূমিচ আর কালাচাঁদের একলা
নয় সে দরকার হলেই ছুটে তোমার কাছে আসবেন ।
বি । ঠ্যাভাই ! বামুন ঠাকুরের ক'টি ।
প্রিয় । তা শবুর মুখে ছাই দিয়ে এক শত অষ্টটী ! তুই একটি
হবি ।
বি । মরণ আর কি ।
প্রিয় । আমি নাগরের কোল্ খালি করে মতে' যাব
কেন্‌লা । মার কে'ও কোথা'ও নাই সেই মরবে ।
শশী । তোমার আবার নাগর কে হল ।
বি । ওঁয়ার নাগর ঘোম ।
প্রিয় । দুর্ বালাই আর কি (শশীকলার চিদুক পরিষ্কার)

এই যে আমার মোনার চাঁদ নাগর বসে রয়েছে ।

তমা । হা : হা : হা : ! ঠিক হয়েছে দেখিস্, ভাই আবার
যেন ভগিরথের জন্ম হয়না । তাহলে আর গঙ্গা
পাবে না ।

(সকলের উচ্চ হাস্য)

প্রিয় । প্রিয় সখি ! তুমি যে মনেকরেছ, গোল মাল করে ফাঁকি
দিয়ে যাবে তাহবেনা । এখানে গুরুমহাশয় আছে ।

তমা । হ্যাঁভাই ! ঠিক বলেছিস্ ? প্রিয় সখি তুমি একটি
গাও ভাই ।

শশী । আমি ফাঁকি দি ! আচ্ছা তোমরাও যন্ত্র লাও সখি ।
তমালিকা তুমি ও ভাই বীণা ধর ।

শশী ।

ধাওয়াজ— তাল যৎ ।

(হে সখি) সহেনা সহেনা প্রাণে আর এবেদন ।

বিসম কুম্ব শরে করে সদা জ্বালাতন ॥

আরত রহেনা সখি প্রাণ দেহ মাঝে,

নিরুপায় হইয়ে বৈর্য্য ধরি কায়ে কামে,

প্রকাশিতে নাহি পারি মরি লোকলাজে,

বিড়ম্বনা হল সখি আমার এ নব যৌবন ॥

প্রিয় । আহা ! ঋতুরাজ বসন্ত উপস্থিত হলে কোকিল কে কি
কেহ নিরব করে রাখিতে পারে আজ আমাদের প্রিয়
সখির ও তাই হয়েছে ।

বিনা । আহা ! রাজা রাণীর কিছুই কি বিবেচনা নাই, মেয়ে

(১৩)

যে এই সমস্ত বয়েসে কি করে থাকবে, তাকি তাঁরা এক
বার ডাবেন ও না। কি কঠিন্ প্রাণ !

তমা । হ্যাঁ সখি ! যোধপুরের রাজপুত্রের সঙ্গে যে প্রিয় সখি
সম্বন্ধ এসেছিল, তাকি হল ?

প্রিয় । সম্বন্ধ ভেঙ্গে গেল ।

তমা । কেন ?

প্রিয় । যোধ পুরের রাজা দিল্লীখরের সেনাপতি বলে ।

তমা । তাতে কি হল ।

প্রিয় । যবনের দাসত্ব ; যবনার ভোজন ।

তমা । তা কুমারের দোষ কি হল ।

প্রিয়া । বাপের ব্যাটা ।

(নেপথ্যে ঝটিকা শব্দ)

শব্দী । ও সখি একি ঝড় উঠল নাহি

বিলা । তাইত তাই প্রিয়স্বদা ও

জানালি গুলো বন্দ কর ।

(প্রিয়স্বদা উঠিয়া বন্দ করা ও পুনর)

তমা । তার পর কি বল্ছিলাম — হ্যাঁ

কুমার অযোগ্য পাত্র হলেন

কোন দোষ নাই ।

প্রিয় । পাত্রের তে আর কথা হচ্ছেন

মহারাজ বলেন, যে ওদের কুলে

ও যত ছিল, আর সকলের

কোন মতেই রাজি হলেন

বিলা । পাত্রির মত কি ।
প্রিয় । পিপাসার জল ।
শশী । তোমার মুণ্ড ।
প্রিয় । তবে আশার ফল ।
শশী । তবে আমি যাই ।

(রাগ করিয়া গমনোদ্যত ও প্রিয়স্বদার ধরিয়৷ রাখন)

তমা । (বিস্ময়ে) সখি ! চূপকরু দেখি ! নিচের দরজায় যেন
কে ধাক্কা মারছে না ।
ও বাতাস ।

(পুনরায় নেপথ্যে দরজার আঘাত শব্দ)

। হাঁত ! একি ভাই ।
। সখি ! আমার বড় ভয় করছে ! তোমরা আমার কাছে
এস ?

(নেপথ্যে) যদিপি এ আবাসে কেহ থাকেন , আশ্রয়
। বিপন্নের প্রান রক্ষা করুন ।

নাই ! কোন পথিক আজিকার দুর্যোগে
হ হরে আশ্রয় চাচ্ছে !
যানে কাকে আশ্রয় দিব বল ! যদি কোন
হয় !

দিলেই, ও আপনি চলে যাবে এখন ।

একবার জানালা দিয়া দেখনা, লোকটা কিরূপা
ভাল কথা ! (উঠিয়া জানালা হইতে দেখিয়া)

হয় যেন এক জন সম্ভ্রান্ত মৈনিক পুরুষ !

বল দেখি ।

তমা । ভালত একবার্ পরিচয় জিজ্ঞাসা করিয়া দেখনা ।

প্রিয় । আচ্ছা । (জানানার নিকটে গাইয়া)

মহাশয়! আপনার পরিচয় নাদিলে আমরা আশ্রয় দিতে পারিনা ! কারণ আমরা সকলেই কুলবালা !

আগন্তুক । (নেপথ্যে) আপনাদিগের কোন ভয় নাই ! আমি ঈশ্বর সমক্ষে বল্ছি আমিও এক জন সন্ত্রাস্তি মৈনিক পুরুষ । এক্ষণে দৈব বিড়ম্বনায় অত্যাশু বিপদ গ্রস্ত । অমুগ্রহ করে আশ্রয় দিন, পরে বিশেষ জানিবেন ।

শশী । সখি! তুমি সহরে যাও, এবং অভ্যর্থনা করিয়া লইয়া এস । সখি তপস্বিনী তোমরা অতিথীকে বসাত্ত ও শুশ্রূষা কর, আমি পার্শ্ব গৃহে যাই ।

তমা । না সখি তা হবেনা (শশীকলাকে ধরিয়া বসান)
তাহলে ঘর অন্ধকার হয়ে যাবে ।

• • (প্রিয়স্বদার সঙ্গে আগন্তুকের প্রবেশ)

(ও সকলে দণ্ডায়মান ।)

তপ । (আগন্তুকের প্রতি) মহাশয়! আপনার আগমানে আজ আমাদের গৃহ পবিত্র হল । দেখ্ছি আজিকার দুর্ঘোণে আপনি অত্যাশু কষ্ট পেয়েছেন, আপনার পরিধান ও অত্যাশু আর্দ্র হইয়াছে । অতএব বস্ত্র পরি-
বর্তন শীঘ্র আবশ্যিক ।

আগন্তুক । সরলে ! বিধাতা জীবের প্রতি নির্দয় হইলেও সদয় হইয়া থাকেন । আজিকার দুর্ঘোণে যেমন বিড়ম্বিত করিয়াছেন, তেমনি মহৎ আশ্রয় ও দিয়াছেন ; অতএব হৃতে ! আপনার অভিপ্রায়ের অন্যথা কিরূপে করিব ।

প্রিয় । মহাশয় একবার গাত্রোস্থান করিয়া এই পার্শ্ব গৃহে
আগমন করুন ।

(আগন্তুককে লঠিয়া প্রিয়স্বদার প্রস্থান)

শশী । (জনান্তিকে) সখি তপস্বিনি ! ইহাকে যেন কোন রাজ
পুত্র বলিয়া বোধ হয় না ।

ভ্রমা । তার আর কি সন্দেহ আছে ,

শশী । দেখো, যেন সম্বরণের কোন ত্রুটি হয় না ।

(বেশ পরিবর্তন করিয়া)

(প্রিয়স্বদার ~~হিত~~ আগন্তুকের প্রবেশ ও সকলের দণ্ডায়মান) ।

আগ । (বসিয়া) আপনারা আমার জন্ম অত উৎকর্ষিত
হবেন না । আজ আমাকে আশ্রয় দিয়া জীবন
দান করিলেন । এখানে জিজ্ঞাসা করি আপনাদিগের
এ নৃত্যশালার অধিষ্ঠাত্রী দেবী কে, এবং তিনি কোন
কুলকে অলঙ্কৃত করিয়াছেন ।

প্রিয় । মহাশয় ! আমাদিগের প্রিয়সখির অভিলাষ, যে আপনি
কোন কুলকে সমুজ্জল করিয়াছেন ও কি মহদমুষ্ঠানে
ব্যাপৃত আছেন, তাহা অনুগ্রহ করিয়া অগ্রে প্রকাশ
করুন, কারণ স্ত্রীলোকের পরিচয় অগ্রে প্রদান কর
অবিধি ।

আগ । চপলে আমার পরিচয় বলা বাহুল্য । আকার ও পরি-
চ্ছদে স্পষ্টই দেখিতেছ । আমি ক্ষত্রিয়, ব্যাবসায়ে
অশিজীবী ।

শশী । (জনান্তিকে) সখি পরিশ্রান্ত ব্যক্তিকে আর কেন
কষ্ট দাও ।

আগ । শুভ ! কঠোর ব্রতানুষ্ঠান ব্যতিত, জীবের অনায়াসে মোক্ষ লাভ হয় না । আমরা সেই কষ্ট কাল আজ গত হয়ে এখন নরলোকের সুহৃৎ যে স্বর্গস্থ ত.হা অনুভব করিতেছি । এ অতিথীর প্রার্থনার কি কর্ণপাত করিলেন না ?

শনী । (জনান্তিকে) কি প্রার্থনা সখি !

প্রিয় । মথীর প্রার্থনা কিছুই নাই । যাঁহার প্রার্থনা, তাঁহাকে জিজ্ঞাসা কর ।

শনী । (প্রিয়স্বত্ন কে অশ্রু লি হারার উৎপীড়ন করিয়া) আমি ভবে যাই ।

প্রিয় । বাস ! তুমি কেন যাবে ? (শশীকলার হাত ধরিয়া)

বিলা । মহাশয় ! আপনার কি প্রার্থনা, আমাদের প্রিয় সখিকে খুলে বলুন ।

আগ । প্রার্থনা, আপনার প্রিয় সখির পরিচয়—(অপ্রস্তুত হইয়া) পরিচয় ।

প্রিয় । মহাশয় ! আজ আপনার অত্যন্ত কষ্ট হইতেছে ; আপনার নিদাকর্ষন হচ্ছে । আপনি একটু বিশ্রাম করুন পরিচয় পরে হইবে । প্রিয় সখি ! চল আমরা এখন যাঁই । শিলাস ! এইখানে শয়্যা প্রস্তুত করিয়া দেও (আশ্রমের প্রকি) মহাশয় ! আমরা অবলা অতিথী সংস্কারের কিছুই জানিনা । আমাদের সকলের অপরাধ ক্ষমা করিবেন, একমুখে আমরা অভি-বাদন করিতেছি

(পরস্পর অভিবাদন করিয়া আগন্তক

ব্যতিত সকলের প্রস্থান ।

তৃতীয় গর্ভাক্ষর ।

(উজ্জয়িনীর প্রমোদ কানন—শশীকলা, তপস্বিনী, ও বিলাস-
বতীর পুষ্প চরন)

- শশী । (সাহুদে) ভাই তমালিকা ! একবার এইদিকে এস
তোমাতে এক জীনিম দেখাব ।
- তমা । (অগ্রসর হইয়া) কি প্রিয়সখি ! কি দেখাবে ।
- শশী । (সাহুদে) সখি ! আমার মাধবিলতার কুঁড়ি ধরেছে ।
- তমা । সখি ! এতদিনে বিধাতা বুঝি তোমার প্রতি প্রসন্ন
হলেন ।
- শশী । গাছ্‌ সে ভাই ছোট ছিল, বড় না হলে কি করে ফুল
হবে বল ।
- তমা । (হাসিতে) তা সত্যইত উপযুক্ত সময় না হলে কি
মুকুলিত হয় ।
- শশী । দেখ সখি ! সহকার তরুকে মাধবিলতা আশ্রয় করাতে
কি অপূর্ণ শ্রী ধারণ করেছে ; বোধ হচ্ছে যেন নব-
দম্পতী প্রেম ভরে উভয়কে উভয়ে আলিঙ্গন করি-
তেছে ; আর মাধবিলতা যেন লজ্জাভরে ঈষৎ মস্তক
অবনত করে রয়েছে । আহা ! স্বভাবের কি মধুর ভাব ।
- তমা । এখন তোমার একটি সহকার তরু হলেই বাচি ।—
সখি ! আগন্তুকবীর যুবা কি এখন ও শয্যাভ্যাগ
করেন নি ?
- শশী । আমি প্রিয়স্বদাকে দেখতে পাঠিয়েছি । কৈ এখন ও
যে আসছেন না ।

(নেপথ্যে প্রিয়স্বদ র গীত গাইতে গাইতে প্রবেশ ।)

তমা । এই যে, প্রিয়স্বদা আসচে ।—ওমা ! আবার গাইতে
আজ যে বড় ভাব লেগেছে দেখছি ।

শশী । সখি ! কিদেখে এলে । উঠেচেন কি ?

রাগিনী ভৈরবী ।—তাল কাওয়ালি

প্রিয় । দেখানুমে শ্যামচাঁদে আহা মরে যাই ।
নিধা ঘোরে সদা মুখে কহে রাই রাই ॥

শশী । কি কচেন ?

প্রিয় । দেখিলাম শ্যামচাঁদে আহা মরে যাই ।
নিধা ঘোরে সদা মুখে কহে রাই রাই ॥

শশী । আহা ! তোমার গান তোমাকেই থাক ।

প্রিয় । মুখে মৃদু মৃদু হাসো বহুতই ঘন শাস ।
প্রেমের পুতলি রাখা ছদরে নাচই ॥

তমা । তাঁর কি রাখা আছেন ?

প্রিয় । হাঁ হা রাখা উঁহা শ্যাম, মিটাওলো মনস্কাম ।
চলহো এ সখী মোরা শ্যামলি বোলাই ॥

তমা । কি স্বপ্ন দেখছেন, প্রিয়স্বদ ?

প্রিয় । তা জানিনা ভাই । কেবল প্রিয়সখির নাম করছেন
আরো কত কি বলছেন, তা আবার আমি ও সব
বুঝতে পারিনি ।

শশী । চলনা সখি ; একবার দেখে আসি ।

প্রিয় । (ভঙ্গির সহিত) হঁ । তাইত বলি । তুঁটা না পেলে
কি জল এগোর ।

- শশী । দেখ সখি, তোমাকে এবার আমি জঙ্গ করবো ।
- প্রিয় । কি আর জঙ্গ করবে ; আমাদের স্বপ্নের বাড়ি সঙ্গে করে নিয়ে যেতে, না হয় নাই নিয়ে যাবে । এই বইত না ।
- তমা । ওলো ! আর এক জিনিষ দেখবি ।
- প্রিয় । কি ভাই !
- তমা । এই প্রিয় সখির মাথবি লতার কুড়ি ধরেছে ।
- প্রিয় । তা হবেই যে । ও যে কার্তায়নীর বর্ আছে । মাথবি লতার ফুল ফুটলেই প্রিয় সখির বিয়ে হবে । আর পাত্র ও উপস্থিত । এখন তোমার বামুন ঠাকুরকে ডাক মন্ত্র কটা পড়েদেবে ।
- তমা । সখি প্রিয়স্বদে ! আগন্তুক যুবা পরিচয় দিলেন নাকেন ?
- প্রিয় । পরিচয়, আমার কাছে লওনা । তিনি কি দেবেনু ।
- তমা । ইনি কে ?
- প্রিয় । যোধ পুরের যুবরাজ ।
- তমা । (চম্কিয়া) এই ইনি ! তুই কি করে জানলি
- প্রিয় । আমি জানতে পেরেছি ।
- তমা । তবু কি করে ?
- প্রিয় । স্বপ্ন দেখবার সময় তাঁরি মুখে শুনেছি ।
- তমা । আর কি শুনে ।
- প্রিয় । আমাদের প্রিয় সখিকে ধ্যান কচেন । আমি আর সাড়া দিই নাই অমনি আস্তে ২ চলে এসেছি ।
- শশী । চল ভাই রোজ উঠল ।
- তমা । চল । (সকলের প্রস্থান)

চতুর্থ গর্তাক ।

(নাট্যশালার শরনাগার—আগন্তুক বীর যুবা নিদ্রিত ও স্বপ্নদর্শন)

(সখীগণ সঙ্গে শশীকলার প্রবেশ ও

নিতকৃতভাবে দণ্ডায়মান ।)

আগ । (স্বপ্নদৃষ্টে-স্বগত) না মানবী কখনই নয় । ইনি দেব
কন্যা, নারীরূপে পৃথিবিতে অবতীর্ণা । যথার্থই দেবী কি?
আমি না বীর বর্গে দীক্ষিত ।--সামান্য ললনারূপে
আমার কি মুগ্ধ হওয়া উচিত—না কখনই না (কিঞ্চিৎ
হাস্য করিয়া) সামান্য ললনাও নব । নইলে আমার
মন এত অস্থির হয় কেন । উঃ ! যোধপুর পিতা !
উঃ !!! (আলস্য ত্যাগ)

(শশীকলা ও সখীগণের প্রস্থান)

আগ । (উঠিয়া) একি এত বেলা হয়েছে । তাইত আমাকে
যে যোধপুর যাঁতে হইবে (শীঘ্র উঠিয়া বস্ত্র পরি-
বর্তন করণ) কই কাহাকেও যে দেখতে পাইনে !

(বিলাসবীর প্রবেশ)

বনা । যুবরাজ ! প্রাতঃকৃত্য সমাপন করুন বেলা হয়েছে ।

আগ । (স্বগত) একি আনাকে যুবরাজ বলে সম্মে ধন করি-
ছেন কেন ! আমি এক আত্মহ্র কাশ করেছি । না, তবে
কি এঁরা আমাকে কেহ চেনেন । তা হতেও পারে
(প্রকাশ্য) সরলে ! আমার প্রাতঃকৃত্যের আর আব-
শ্যক নাই । আমার সম্বন্ধে কোন বিশেষ কার্যে যাই-

বার প্রয়োজন আছে। আপনার প্রিয় সখিকে একবার
সংবাদ দিন! সাক্ষাৎ করিয়া যাইব।

(বিলাসবতীর প্রস্থান)

আগ। (স্বগত) আহা! কি অপূৰ্ণ স্বপ্ন। স্বপ্নেতে যে সুখ
ভোগ করিয়াছি, তাহা যে সত্য ঘটনা হয়, এমন তো
সম্ভবে না। বিধাতার নির্দয়। না, এখন আর ও সকল
ভাবিয়াই বা কি করিব। কেবল মনকে বিচলিত করা
বইত নয়।

(সখিগণ সঙ্গে শশীকলার প্রবেশ)

প্রিয়। যুবরাজ! আমাদের প্রতি এত নির্দয় কেন?

আগ। চপলে! আমার অপরাধ ক্ষমা করিবেন। আমার বি-
শেষ আবশ্যক না থাকিলে আপনাদিগের আজ্ঞা মঙ্গল
করিতাম না। গত রাতে আপনাদিগকে অনেক কষ্ট
দিয়াছি, তজ্জন্য ক্ষমা প্রার্থনা করিতেছি। আর আপনার
প্রিয় সখিকে বলুন, আমার প্রতি দয়া করিয়া এই অনু-
রোধটি রক্ষা করেন।

তমা। যুবরাজ! আমরা সকলেই অবলা; কিরূপে মহাজনের
সংকার করিতে হয় তাহা কিছুই জানি না, আমাদের
গের সকল অপরাধ মার্জনা করিবেন। আর আমা-
দের প্রিয় সখির প্রার্থনা—আপনি প্রাতঃকৃত্য সমাপ-
নান্তর এইখানে আহাৰাদি করিয়া যাইবেন। তাহা
হইলে আমরা সকলে বড় সুখি হইব!

আগ। আপনার প্রিয়সখির অনুরোধ রক্ষা করা আমারি বহু

ভাগ্যের কথা। কিন্তু কি করি, আমার অতি দুর্ভাগ্য।
নচেৎ অমৃতে কার অরুচি হয়! আপনার প্রিয় সখি
আমার এই অনুরোধটি রক্ষা করিলে, আমার বিশেষ
উপকার করা হয়। তাহা হইলে আমি চির বাধিত
হইব, আমার এপৃষ্ঠতা ক্ষমা করিবেন!

শশী।

সখি! অপহরণ করিবার মানসেই কি মহাজনেরা
অতিথী হইয়া থাকেন! বীর পুরুষেরা কি নিরীহ
অবলাজনের প্রতিই অত্যাচার করেন! এই কি
বীরের ধর্ম!—চুরি করিয়া পলায়ন।

আগ।

(স্বগত) একি বিভ্রাট! (প্রকাশ্যে) শুভে! আমার
প্রতি এ বিপরিত অপবাদ কেন! কোথায় আমিই
আমার মন, প্রাণ সমস্তই আপনার নিকট গচ্ছিত
রাখিয়া যাইতেছি, তাহার পরিবর্তন ও কিছু লই
নাই! পাছে আমার বস্তু আমাকে প্রত্যর্পন করিতে
হয় বলিয়াই নুনি এই অপবাদ! হঁ, এ উত্তম যুক্তি
বটে! কল্যাণী! আপনার মঙ্গল হউক! আমার
গচ্ছিত বস্তু আমাকে প্রত্যর্পন করুন আমি যাত্রা
করি!

শশী।

সখি! অস্তাচল গত শশধরের পুনরুদয় কি আশা
করিতে পারি!

প্রিয়।

সখিরা তার কি জানে! তুমি কেবল সখিদেরি জি-
জ্ঞান কর!

আগ।

শুভে! এ ক্ষদর হতে, ও মন মোহিনী প্রতিমূর্তি, কণ-
নই যাইবার নহে! আমরা বীর পুরুষ! বীর পুরুষের

অন্য সহজেই পাশানবৎ ! সেই পাশানে অক্ষির সূঁতি
কখনই ঘাইবার নহে ! উহা এ জীবনের সঙ্গি ! যদি
বিধাতা তনুকুল হন, যদি আমার কপাল সুপ্রসন্ন হব
তবে শীঘ্রই আসিয়া আপনাকে দর্শন করিব। অপ-
নাকে স্মরণার্থে চিহ্ন স্বরূপ এই অক্ষুরিটী দিতেছি
বন্ধু বিবেচনার গ্রহন করিলে পরম বাঞ্ছিত হইবে।
(সখির হস্তে প্রদান)

শশী । সখি ! সুবরাজের প্রসাদ আমি এই শিরে ধারণ করি-
লাম সখি ! আমার এই অক্ষুরিটী, যদি দাসির কৃতজ্ঞ
তার চিহ্ন স্বরূপ গ্রহণ করেন তাহা হইলে দাসি চির-
বঞ্চিত হইবে ও জীবনের সার্থকতা লাভ করিবে।
(সখির হস্তে প্রদান)

প্রিয় । সুবরাজ ! এই আশাদের প্রিয়সখির উপহার গ্রহণ
করুন। ওরে তোরা উলু দেনা রে। (সুবরাজের
হস্তে অক্ষুরি প্রদান)

যুব । আমি এই প্রসাদ বন্ধে ধারণ করিলাম। (অক্ষুরির
মাধ্যে অক্ষুরি রাখুন) এ বন্ধ বিদীর্ণ না হইলে আর
ইহা স্থানান্তরিত হইবে না। তবে একনে বিদার হই-
লাম, ভগবান ভবানী পতি আপনাদের মঙ্গল করুন
(সকলকে অভিবাদন করিয়া প্রস্থান)

প্রিয় । ষার মন তার হল।

তমা । বিধির লিপি কে খণ্ডাবে বল, বর, আপনি এসে বিয়ে
করে গেল।

বিলা । এখন রাজা রাণী নিশ্চিত হয়ে বসে থাকুননা কেন।

প্রিয় । তা বইকি, প্রিয়সখিত কায গুছিরে বসে রহিলেন
কেবল আমরাই ফাঁকি, প্রিয়সখিরই জীত, আর কেন
চল এখন রাধিকা শ্যামসুন্দরেরে ধ্যান করুক ।

(সকলের প্রশ্নান)

শশী । (স্বগত) যদি বিধাতা দিন দেন তবে এজীবনে সুখ হবে
আর পিতা মাতা যদি নিতান্তই অসম্মত হন তাহলে
প্রাণত্যাগই সঙ্গর, এ কপালে যে সুখ হবে তা ত
বোধ হয় না, যাছাই হউক এ প্রাণ মন দেহ আর
কাহরই নয় ।

(প্রিয়সুন্দার প্রবেশ)

প্রিয় । প্রিয়সখি, রাজমহিষী ডাকতে পাঠিয়েছেন ।

শশী । চল ।

(উভয়ের প্রশ্নান)

দ্বিতীয় অঙ্ক ।

প্রথম গর্তাঙ্ক ।

(যোধপুর রাজসভা মহারাজ যশোবন্ত সিংহ ও মন্ত্রী জ্ঞানালোক
আসীন ।)

রাজা । বলকি মন্ত্রী, একটা ক্ষুদ্র উপত্যকার রাজ্য হয়ে এত
বড় স্পর্ক ।

- মন্ত্রী । তাইত মহারাজ ! আপনার প্রতাপ জেনে শুনে ও এমন কথা গুলা বয়ে, এর ভাব ত আমি কিছু বুঝতে পাচ্চিনা ।
- রাজা । আর বুঝবে কি, মৃত্যু নিকট হলেই পিপীলিকা পতঙ্গ হয়, মনে করেছিলাম্ যে হতমান হয়ে একপার্শে পড়ে থাকে আমাদের দলে এনে বাদসাহের নিকট মান দেওয়াব, তা কুকুরের পেটে ঘৃত পরিপাক হবে কেন এখন উচিত ফল ভোগ করুক ।
- মন্ত্রী । মহারাজ ! তার কপালে যা আছে তা কে ঘোচাবে বলুন ।
- রাজা । কুমারের সংবাদ লয়ে দুঃখে যে এখনও ফিরে আসেনা কেন বল দেখি ।
- মন্ত্রী । তাইত এত বিলম্বের কারণ কি, বোধ হয় মহারাজ কুমারের আসিবার অভিপ্রায় হয়ে থাকবে তাই বিলম্ব হচ্ছে ।
- রাজা । তা হতেও পারে, দেখ মন্ত্রী ! সেনাপতি অমর সিংহ পার্শ্বতীর দিগের দমনে নিযুক্ত, কুমার ও পাঠান দস্যুদের অনুসরণ করেছেন ; কতদূর যে গিয়েছেন তাও বলিতে পারি না । ইহাদিগের মধ্যে কেহ একজন না ফিরে এলে আর দুরাগা অজয়সিংহকে প্রতিফল দেওয়া হচ্ছেনা । উঃ! কি অহঙ্কার ! কি স্পর্ধা ! শৃগাল হয়ে আমাদের বলে কিনা যবনান্নভোজী, যবনের দাস (বন্ধুত্ব করিলে কি দাসত্ব হয়,) সিনি দিল্লীখর তিনিই আমাদের খোসামোদ করেন, সে ত কোন্ ছার, পামর আমাদের বলে কি না পতিতকুল, ওঃ হোঃ! কি আমার

কুলীন পুত্রের ! পামর ত অনঙ্গপালের জারজ সন্তান,
কে না জানে অনঙ্গপাল পুরুষত্বহীন ছিল ? তার
পরম সৌভাগ্য যে আমি তার ঘরের কন্যা লয়ে আসি ।
বরং আমারি সেখানে সম্বন্ধ করিতে পাঠান অন্যায়
হয়েছে ।

মন্ত্রী । তা বটেইত মহারাজ ! আপনারিই অন্যায় হয়েছে ।

রাজা । কেবল মহিবীর আগ্রহে আর কন্যাটী অত্যন্ত রূপবতী
শুনে আমি এই কার্য করিতেছি, তা না হলে আমার
কি দার ।

মন্ত্রী । তা সত্যইত আপনার কি দার ।

(ভট্টনারায়ণ কবিরত্নের প্রবেশ)

রাজা । আরে এস এস সখা এস, প্রণাম হই, ভাল আছত,

মন্ত্রী । ভট্টমহাশয় প্রণাম হই ভাল আছেন ত ।

ভট্ট । আশীর্বাদ করি আয়ুধানভব, (উপবেশনান্তর)

বলি রাজা রাজাড়ার কাণ্ড বোঝা তার !

রাজা । কেন কি হয়েছে হে ।

ভট্ট । না হয় নাই এমন কিছু, তবে—

মন্ত্রী । তবে কি ?

ভট্ট । বলি এই কথার কথার বলছি, এলে পরেই ইনি এক-
বার জিজ্ঞাসা করেন ভাল আছত, উনি একবার জিজ্ঞাসা
করেন ভাল আছত, এই এত যে লোকজন রয়েছে, তবু
একবার তত্ত্ব নিয়েছেন কি, আছি কি গেছি, সখার
দেখা হলেই সখা আর তা নইলেই ফকা ।

রাজা । কেন হে; কোথাও গিরেছিলে নাকি ।

ডট্ট । তা যাবারি যোগাড় হয়েছিল বটে, কিন্তু ইচ্ছা হল না
আবার বাধাও পোড়ল ।

রাজা । কোথায় যাবার জোগাড় হয়েছিল ।

ডট্ট । এই আপনারি মতন একজন রাজার কাছে ।

রাজা । কোন্ রাজার কাছে হে ।

ডট্ট । এই যম রাজা ।

রাজা । হাঃ হাঃ হাঃ ! তা গেলেনা কেন ।

ডট্ট । আজ্ঞে হাঁ ! আপনার সুবিধা বটে । কিন্তু ব্রাহ্মণীর
দশা কি হবে ।

রাজা । আমার সুবিধাটা কি ।

ডট্ট । এই সুব্রাহ্মণ্যের বিবাহটো আমাকে ফাঁকি দেবেন, আর
কি । তা যাহউক মহারাজ ! বিবাহটা এত দূরদেশে
দিলেন কেন । বাপ ! ছমাসের পথ ।

মন্ত্রী । তা হলেই বা ক্ষতি কি তোমাকে আর হেঁটে যেতে
হবে না ।

ডট্ট । উঁহঁহঁ বুঝলে না ভায়া, আমি তা বলছি নে ।

মন্ত্রী । তবে কি ।

ডট্ট । এই ব্রাহ্মণের ব্যবসাটা আর হবে না ।

রাজা । হাঃ হাঃ হাত ডাকে পাঠিয়ে দেবে হে ।

(দৌবারিকের প্রবেশ)

দৌ । মহারাজ অভিবাদন করি । কুমারের অবেশে যে দূত
গিরাছিল, প্রত্যাগমন করেছে ।

রাজা । শীঘ্র পাঠিয়ে দাও ।

দৌ । যে আজ্ঞে মহারাজ ।

(দৌবারিকের প্রস্থান)

রাজা । সচিব ! কুমার ছ আসেন নি ।

মন্ত্রী । তাইত মহারাজ ! দেখুন না দূত কি বলে ।

(দূতের প্রবেশ)

দূত । মহারাজের জয় হউক ।

রাজা । দূত ! কুমারের সংবাদ কি ।

দূত । মহারাজ ! আমি সমস্ত দক্ষিণ রাজপুতনা অন্বেষণ করিলাম, কিন্তু কোথাও অনুসন্ধান পাইলাম না ; স্থানে স্থানে পাঠান দস্যুদিগের ভগ্নশিবির ও দেখিলাম কিন্তু কুমার যে কোন্‌দিকে অগ্রসর হইয়াছেন তাহা নিরাকরণ করিতে পারিলাম না ?

রাজা । আচ্ছা, তুমি যেতে পার ? (চিন্তিত হইয়া) তাইত মন্ত্রী ! কি উপায় ?

ভট্ট । তাইত মহারাজ ! শুভকর্মে দেরি পড়িল ।

মন্ত্রী । মহারাজ ! উপায় এখন কিছুই দেখতে পাইনা ; কুমার কিম্বা সেনাপতি এই দুইজনের একজন না এলে তো আর সমরে প্রস্তুত হওয়া যেতে পারে না ।

ভট্ট । (স্বগত) ও বাবা ! এ আবার কি ! (প্রকাশ্যে) ও মন্ত্রী মহাশয় আপনি কথা ভুলে যাচ্ছেন কেন ? কোথায় কুমারের বিবাহের কথা হচ্ছিল না আপনি সম্মর এনে ফেলেন । মহারাজও যেমন একটা বুড়ো মন্ত্রী রেখেছেন, একটা কথা তাও ভুলে জান্ ।

রাজা । মন্ত্রীর বাতিলক হয়েছে, তাই এলো মেলো বকচে ।

- মন্ত্রী। আরো এক পরামর্শ আছে।
- ভট্ট। আর তোমার পরামর্শ দিতে হবে না।
- রাজা। কি পরামর্শ মন্ত্রী?
- মন্ত্রী। আর একবার শেষ দেখলে হয়না।
- রাজা। কি রকম?
- মন্ত্রী। আর একবার পত্র পাঠিয়ে দেখলে হয় না।
- রাজা। (ক্রোধের সহিত) কি বল্লে মন্ত্রী! চল্লবংশের অপমানকারীর সহিত পুনরালাপন। সখা যা বল্লেন তা বড় মিথ্যানয়, জুমি বুড়ো হয়ে পাগল হয়েছ।
- ভট্ট। আজ্ঞে মহারাজ। আমি কি মিথ্যা বলেছি।
- মন্ত্রী। আজ্ঞে তা নয় মন্ত্রী রাজা তা নয়? আমি বল্ছি কি, যে একবার ভালকটুর শাসিরে দেখা যাক্; যে হয় আমার প্রজাবে সম্মত হও না হয় সমরে প্রস্তুত হও? দেখুন না তাতেই বা কি হয়; আর আমরাও তদিন সময় পাই; আরও চাই কি এই অবসর মন্যো, কুমার কিম্বা সেনাপতি উভয়ের একজন ফিরেও আসিতে পারেন।
- রাজা। আচ্ছা যা ভাল হয় তাই করা যাবে; কিন্তু এবার একজন বিচক্ষণ লোক পাঠাতে হবে।
- মন্ত্রী। আজ্ঞে, হাঁ! একজন চতুর্ব লোককে পাঠাতে হবে। আমাদের ভট্ট মহাশয়কে পাঠালে হয় না?
- রাজা। ঠিক বলেছ; আমিও তাই মনে মনে আঁচছিলাম।
- ভট্ট। কোথার মহারাজ?
- মন্ত্রী। কুমারের সম্মক করিতে।

ভট্ট । হাঃ হাঃ হাঃ না হবে কেন ! তাইত বলি তুমি কত বড় রাজার মন্ত্রী হে ! মহারাজ, আমি এ কস্ম ভাল পারব । মহারাজ আমার কবিত্ব শক্তি আছে তা জানেন ত ? আমি কুমারের এমন রূপ বর্ণনা করব, যে রাজকন্তা আছাড় খেয়ে পড়বে না ? তবে আর আমার নাম ভট্ট নারায়ণ কবিরত্ন মিছে ?

রাজা । আচ্ছা তাই হবে, এখন চল আমরা আহার করিগে ।

ভট্ট । (ভঙ্গিমা করিয়া) আজ্ঞে হাঁ এই যে, আমি আগেই উঠেছি ?

“আহারেং বিহারেং টেবং ত্যাক্তং লজ্জাং সদাং ভবেংতেং এটা যে ঠিক হচ্ছে না ? খণ্ড তয়ের পর অনুস্বার দিলে কি হয় ?”

রাজা । ওসব পরে শুদ্ধ করে নিও, এখন এস ।

ভট্ট । • আজ্ঞে আমিতি আগিয়ে রয়েছি, আপনি এগোসেই হয় ।

(সকলের প্রস্থান)

দ্বিতীয়াক্ষ ।

দ্বিতীয় গভর্নাক্ষ ।

(উজ্জয়িনীর প্রমোদ কানন রাজা অজয়সিংহ ও মন্ত্রী গণপৎ শাস্ত্রীর পরিভ্রমণ ।)

রাজা । পত্রের ভাব দেখিলেত ? যবনের সহবাসে তার প্রকৃতি

ও যবনের মত হয়ে গিয়েছে ? নিজের কুলমান সকলি
ত যবনের পদে সমর্পন করেছে ? এখন অপরকে
লগ্নাবার চেষ্টা ! কি দুর্ভাগ্যবান ? সে উচ্ছিন্ন গিয়েছে
বলে কি সকলেই যাবে ? আবার প্রলোভন দেখান
হয়েছে বাদসাকে সুপারিষ করে—আমাকে মর্যাদা
প্রদান করিবেন ? আমি যেন একজন সামান্য তালুক-
দার । আমার যেন মান মর্যাদা কিছুই নাই ? যে তাঁর
দত্তমর্যাদা গ্রহণ করে আমি খ্যাত হ'ব । নরাদম !
কুলাঙ্গার ! যবনের ক্রীতদাসকে আমি ভয়করে চলব ?
হয়ে কেন মরিনাই ? সচিব ! তুমি শিঘ্র যাও গিয়ে
দুর্গসংস্কারের উদ্যোগ করগে । আর বীর ভ্রাতা বিজয়-
সিংহকে একবার পাঠিয়ে দাওগে ।

মন্ত্রী । যে আজ্ঞে মহারাজ !

(মন্ত্রীর প্রস্থান)

রাজা । (স্বগত) তাইত ? এত একউৎপাত ? শুনেছি কুনার
ইন্দ্রসিংহ অত্যন্তরূগবিশারদ ও দুর্জয় ! তা হ'লইবা !
আমার বীর প্রতাপ ভ্রাতা বিজয়সিংহ তাহার অপেক্ষা
কোন অংশে নূন নহে ! ইহার ও অভুল সাহস ও
অসাধারণ ক্ষমতা ; আর আমার সৈন্যও কিছুকম নয়
পরাজয়ের বিষয় কিছুই নাই, বরং জয়েরই সম্ভাবনা !

(বিজয় সিংহের প্রবেশ)

বিজ । মহারাজ অভিবাদন করি ।

রাজা । এস তাই এস ! ষোড়শপুরের পত্রের বিষয় অবগত হয়েছ
কি ।

বিজ্ঞ। আজ্ঞে, হাঁ মহারাজ ! মন্ত্রী মহাশয়ের নিকট সমস্ত
জ্ঞাত হয়েছি !

রাজা। দুরাচারের কি স্পর্শ দেখেচ ? কি অহঙ্কার দেখেচ ?
“হয় আমার প্রস্তাবে সম্মত হও, না হয় সমরে প্রস্তুত
হও ?” উঃ ! কি অহঙ্কার ! বিজয়, এখনি দুরা-
চারকে প্রতিফল দাও গে ?

বিজ্ঞ। মহারাজ ! সে জানেনা যে, কালসর্পের মস্তকে
পদাঘাত করেছে ? আপনি অনুমতি করিলে, এখনি
দুরাচার কেশাকর্ষণ করে আপনার পদে নীত করিব ?
সে যতই ক্ষমতামালী হউক না কেন, আপনার
চিরদাস বিজয়সিংহ তাহাতে ভীত নহে ।

রাজা। সত্য বটে ; তোমার নীরত্বের বিষয় আমার কিছুই অবি-
দিত নাই, এক গুর্জুর আক্রমণতেই তাহার যথেষ্ট
প্রমাণ আছে,—কিন্তু তুমি একা, তাহারা দুই জন ।

বিজ্ঞ। হাঃ হাঃ হাঃ মহারাজ ! দুজন কি, তেমন সহস্রজন
হলেও বিজয়সিংহ ভূবৎ জ্ঞান করে, কুমার ইন্দ্রসিংহ !
সেটোক বালক, তার ক্ষমতা কি, কতকগুলো
দস্যুকে তাড়া করিরাই কি সে বীর আখ্যা পাইবে ।
তাহাকেই আমি সেনাপতির উপযুক্ত বলিয়া গণ্যই
করি না । তার সেনাপতি অমর সিংহ ! সেও এক জন
শিকারী, কতকগুলো বন্যপশুকে তাড়া করিয়া বেড়াই-
তেছে, তার আবার ক্ষমতা কি ? মহারাজ ! এ দাস
কল্যই আপনার আদেশ পালন করিবে ও প্রতিজ্ঞ
রক্ষা করিবে সংশয় নাই !

রাজা। ভাই! আশীর্বাদ করি তুমি চিরজীবী হও, আর তো-
মার বাহুবলে যেন আমি অমরপতিকেও পরাজয়
করিতে পারি ; তবে তুমি সমস্ত আয়োজন করগে,
আমিও অন্তঃপুরে যাই।

বিজ। যে আশ্রে মহারাজ! অভিবাদন করি।

রাজা। দীর্ঘায়ু হও।

(রাজার প্রস্থান)

বিজ। (বগত) তাইত, রাজার কাছে হটাৎ মুখ দিবে কথাটা
বেসিয়ে গেল ; কি করি, মরি আর বাঁচি সেতেই ত
হবে, মুখে ষাহাই বলি না কেন, কিন্তু কুমার ইস্র-
সিংহ যে, তৃতীয় পাণ্ডবের ন্যায়, এক জন দক্ষসেনা-
পতি, তাহা সকলেই জানে, (চিন্তা করিয়া) তাও ত
বটে সেত রাজধানীতে এখন নাই, ভগবান রক্ষা
করিলেন, হাঃ হাঃ হাঃ তবে আর আমাকে পার .কে
এখনি গিরে রাজাব্যাটাকে ধরে আনব।

(প্রস্থান)

দ্বিতীয় অঙ্ক ।

তৃতীয় গর্ভাঙ্ক ।

(উজ্জয়িনীর রাজঅন্তঃপুরের-শয়নগৃহ রাণী ও সখীদ্বয়
আসীনা)

রাণী। ষাহাই হউক, একজন মানীলোকের অপমান দেখিলে

কার না হুঃখ হয় বল, আর দোষই বা কি। বোধপুরের রাজপুত্রের মতন, অমন জামাই কি আর কোথাও পাব? আমি মহারাজকে এতকরে বুঝিয়ে বসুম কিন্তু আমার কথার কর্ণপাতও করিলেন না, বরং আমার উপর রাগ করে উঠলেন।

বসুমতী। আচ্ছা রাণীমা, শুনেছি, রাজকুমার না কি বড় যোদ্ধা তাঁর সঙ্গে কেহ পারে না, তবে রাজাকে ধরে আনিলেন কি করে।

রাণী। বসু! রাজারছেলে যদি রাজ্যে থাকিত, তাহলে কি আর ঠাকুরপো রাজাকে ধরে আনিতে পারে? হায়! এত রাজাকে ধরে আনা হয়নি, এ আপনাদেরি সর্বনাশের বীজ রোপণ করা হয়েছে। সেই উদ্ধত বীরকেশরী এই পিতৃঅপমানের কি সহজ প্রতিশোধ লবে? হায়! আমার অদৃষ্টে যে কি আছে, তা বলিতে পারি না।

বিমলা। হ্যাঁ রাণীমা! তা মহারাজকে একটু বুঝিয়ে সুঝিয়ে বারণ করলেন না কেন, তাহলে কি, আর তিনি শুনিতেন না।

রাণী। বিমল, আমি কি তা বাকি রেখেছি, তিনি কি রীতের লোক, তুমি কি তা জান না।

বসুমতী। ঐ বুঝি মহারাজ আসছেন, আর তাই বিমল! আমরা যাই।

(মখীছরের প্রস্থান)

(রাজার প্রবেশ)

রাণী। (সমব্যস্তে দাড়াইয়া) আহ্ন নাথ, চাপনারই

- অপেক্ষায় এতক্ষণ সখীদের সঙ্গে বসে আলাপ করি-
তেছিলাম, আজ আপনার এত বিলম্ব হল কেন।
- রাজা। প্রিয়ে! সকল দিন কি সমান হয়, রাজ্যকার্যের গতি
কখন কি উপস্থিত হয়, তা কি বলা যেতে পারে।
প্রিয়ে! আমার বিলম্ব হওয়াতে যে অপরাধ হয়েছে,
তার জন্য ক্ষমা প্রার্থনা করিতেছি।
- রানী। নাথ! দোষী ব্যক্তিকে ক্ষমা করিলে, তাহার সে
দোষ অপনীত না হইয়া বরং বৃদ্ধি পায়, আপনিই
বলুন না কেন, আপনি কি অপরাধীকে ক্ষমা করিয়া
থাকেন।
- রাজা। হাঃ হাঃ হাঃ! প্রিয়ে, তোমার নিকট আমি সর্বদাই
পরাজিত।
- রানী। নাথ! আপনার শশীকলার কি করিলেন? আরও
কি তাহাকে রাখা যায়? তার বিষয় কি আর আপনার
স্মরণ হয় না।
- রাজা। প্রিয়ে! আমি সে বিষয়ে নিশ্চিত নাই, ড্রাবিড়,
পাঞ্চাল, কোশল প্রভৃতি রাজ্যে ভাট পাঠা-
ইয়াছি, অতি শীঘ্রই তাহারা প্রত্যাগমন করিবে।
- রানী। কাল শশীকে আমি ডাকি রেছিলাম, তা বাছাকে দেখে
আমার কষ্ট হইতে লাগিল, নাথ! আমাদেরও এক সময়
ঐ রূপ গিয়েছে, তা আমরা যতটা অনুভব করিব,
আপনি কিছু আর ততটা করিতে পারিবেননা, তা,
যাহা হউক নাথ! আপনি এ বিষয়ে একটু তৎপর

হবেন, হ্যাঁ নাথ ! উদয়পুরাধিপতির প্রতি কি দণ্ড
বিধান করিলেন ।

রাজা । সম্প্রতি তাহাকে মানগড়ের দুর্গে রাখা হইল ।

রানী । নাথ ! অনর্থক তাহার প্রতি এ অত্যাচার কেন
করিলেন ।

রাজা । প্রিয়ে ! তুমি স্ত্রীজাতি, কেবল গৃহকার্যের বিষয়ই
অবগত আছ, রাজকার্যের বিষয় তুমি কি জানিবে ? আর
তোমার ও সকল বিষয় আলোচনারি বা আবশ্যিক কি,
চল এক্ষণে বিশ্রাম করিগে চল ।

(উভয়ের প্রশ্নান)

তৃতীয়াক্ষ ।

প্রথম গর্ভাক্ষ ।

(গোধপুর রাজপথ কুমার ইন্দ্রসিংহের প্রবেশ)

কুমার । (স্বগত) এ কি হল ! রাজধানী প্রবেশ করিতে আমার
হৃদয় এত ব্যাকুল হয় কেন ? কোথায় পিতা মাতা
বন্ধু স্বজনের মিলনাশয়ে হৃদয় প্রকুল্লিত হবে,
তাহা না হইয়া মনের ভাব এমন বিপরীতভাব
হয় কেন ? আমি কিছুই বুঝিতে পারিতেছি না, এমন
সময়ে এস্থলে কত লোকের সমাগম হইত, আজ

(৩৮)

এখনও এত নির্জন কেন? এইসে, কে একজন এই
দিকেই আসচেন?

(একজন নাগরিকের প্রবেশ)

নাগরিক । একি রাজকুমার ! (রোদন করিয়া) হায় ! কুমার সর্ব-
নাশ হয়েছে ।

কুমা । (ব্যস্তভাবে নাগরিককে ধরিয়া) কি হয়েছে, কি হয়েছে
তুমি রোদন কর কেন, আগে কি হয়েছে বল না,
মহারাজের মঙ্গল ক? (স্বগত) আমার হৃদয় কি তাই
এত ব্যাকুল হয়েছিল ।

নাগ । (অতিরিক্ত রোদন করিয়া) কুমার! —বলতে—পাচ্ছিনে
—সর্বনাশ হয়েছে ।

কুমা । তোমার কিছু অমঙ্গল হয়েছে কি ।

নাগ । আজ্ঞে না কুমার (রোদন) ।

কুমা । কি আপদ, তুমি বলবেও না আর কেবল রোদন করবে

নাগ । আজ্ঞে মহারাজ নাই, নিরে গিয়েছে, (রোদন) ।

কুমা । (চমকিত হইয়া) কি বলে, পিতার পরলোক প্রাপ্তি
হয়েছে পিতা কি আর জীবিত নাই, হা পিতা ! কোথায়
গেলে (পতন ও মুচ্ছা) ।

নাগ । (শীঘ্র কুমারকে ধরিয়া ও নাড়া দিয়া) হায় ! আমি কি
করলাম কি করলাম (উরুতে ঠপটাঘাত) ।

(ক্রমপদে নাগরিকের নিষ্কৃ মণ ও অপর নাগরিকের সহিত
পুনঃপ্রবেশ)

২য় না । (তালবৃত্ত দ্বারায় ব্যজন ও জলের ছিটা দিয়া কুমারের
মুচ্ছাপনোদন) কুমার একি ! আপনার এ অবস্থা কেন ।

কুমা । হার ! এত দিনে তোমরা প্রজাবৎসল রাজাকে হারাইলে ।

২য় না । কেন কুমার ! মহারাজকে হারাব কেন, যখন আপনি আসিয়াছেন, তখন আমাদের সকল আশাই পুনর্জীবিত হইল; কেবল আপনি না থাকাতেই এই শোচনীয় ঘটনা হয়ে গিয়েছে বহুত নয় ।

কুমা । (চমৎকৃত হইয়া) কি আমি না থাকতে, তবে কি মহারাজের পৌড়ার কোন প্রতীকার লাগিয়া হয় নাই ! সচিবেরা কি কেহই ছিলেন না, তাঁরা কি ইচ্ছাকরিয়া মহারাজকে অচিকিৎসায় মেরে ফেলেচেন ?

২য় না । (চমৎকৃত হইয়া) একি কুমার, আপনি কি বলিতেছেন মহারাজের ত সে সকল কিছুই হয় নাই, (প্রথম নাগরিকের প্রতি) কি হে তুমি কি বলেছ ।

১ম না । অঁ অঁ অঁ আমি আমি ।

কুমা । . তবে কি পিতা জীবিত আছেন ? কুশলে আছেনত, তবে তিনি নাই কি বলছিলে, নিয়া গিয়াছে কি বলছিলে আর শোচনীয় ঘটনাই বা কি, আমিত তোমাদের কথা কিছুই বুঝিতে পারিতেছি না,

২য় না । কুমার ! ঐ মূর্খ আপনাকে ভ্রমে পতিত করিয়াছিল ।

কুমা । কি, তুমি স্পষ্ট করিয়া বল ।

২য় না । কুমার ; আপনি পাঠান দস্যুদিগের দমনার্থ বহির্গত হইলে মহারাজ শুনিলেন যে উর্জ্জ্বিনীর রাজকন্যা অসামান্য রূপবতী ও গুণবতী, তা তিনি কুমারের উপযুক্ত পাত্রী বিবেচনায় একজন দূতকে সম্বন্ধ করিবার

জন্ম উজ্জয়িনী প্রেরণ করিলেন, ইহাতে উজ্জয়িনীর
রাজা আপনার পিতাকে অযোগ্য তিরস্কার করিয়াছে ।

কুমা । কি পিতাকে তিরস্কার ! তার পর ।

২য় না । পুনরায় মহারাজ তাঁহাকে পত্র লিখেন, যে হয়
প্রস্তাবিত বিষয়ে সম্মত হও নচেৎ সমরে প্রস্তুত হও ।

কুমা । হুঁ তার পর ।

২য় না । তার পর সেই পত্রবাহক আর পুনরায় প্রত্যগমন
করিল না মহা এক দিবসরাতে নগর আক্রমিত হইল

কুমা । (সতেজে) কি নগর আক্রমিত হইল ! তার পর ।

২য় না । (শিরে আঘাত করিয়া রোদিনস্বরে) তার পর, শুনলাম
উজ্জয়িনীর রাজভ্রাতা বিজয়সিংহ" রাজপুরী আক্রমণ
করিয়া, মহারাজকে বন্ধন করিয়া লইয়া গিয়াছে

কুমা । (ক্রোধে কাঁপিতে) কি ছরাত্মা বিজয়সিংহ !
সূর্য্যবংশীয় রাজপুত্রাধিপতির প্রতি অভ্যচার,
মহারাজ যোধপুরাধিপতির অপমান, কুমার ইন্দ্রসিংহের
পিতার বন্ধন, রে পামর ! আর তোর নিস্তার নাই
তুই কালসর্পকে আঘাত করিয়াছিস্, তোর ও
কাল সন্নিকট । তুই জানিস না দিল্লীখর কার বলে
বলী হইয়াছে ? আমি বালক নই, আমি সতেজ
ক্ষত্রিয় জাতি ; ক্ষত্রিয়নারী নিস্তেজ মাংসপিণ্ড প্রসব
করেন নাই । আমি সহায় চাই না, সৈন্য চাই না,
আমি কাকেও চাই না । আমি এই সর্বসমক্ষে ভগবান
সূর্য্যদেবকে সাক্ষা করিয়া, শ্লাঘার সহিত প্রতিজ্ঞা
করিতেছি যে, আমি একাকীই সেই ছরাত্মা নরাদমের

মস্তক ছেদন করিয়া সেই পাপরক্তে রাজপুত্র লক্ষীর
জলাটের সিন্দুরবাগ বর্জিত করিব । (তরবারি নিষ্কো-
ষিত করিয়া) এই তরবারি নিষ্কোষিত করিলাম,
এই তরবারিই আমার সহায়, এই তরবারিই আমার
অস্ত্র, এই তরবারিই পামরের কাল কৃতান্ত । এখন
নই ছুরাঙ্গার শোণিতে ধরাতল অভিষিক্ত করিব ।
আর অপেক্ষা সহেনা আমি চলিলাম ।

(বেগে নিকান্ত)

তৃতীয় অঙ্ক ।

দ্বিতীয় গর্ভাঙ্ক ।

(উজ্জয়িনীর প্রমোদকানন রাজকন্যা শশীকলা ও সখীগণ
শিলোপরে উপবিষ্টা)

ধাম্বাজ—আড়াঠেকা ।

শশী কি হবে গো আমার ?

ভাবিয়ে স্বপনে মনে, হেরি সব অন্ধকার ।

কি জানি কি অমঙ্গল, বিদাহা পটাবে বল,

না জানি কি অভাগির, কপালে আছে এবার ।

প্রিয় । প্রিয়সখি! এখন বিময়, না গণি অমন করে যদি থাক

- তা হলে আমরা মনে কষ্ট পাব, একটা স্বপ্নদেখে,
কি এত বিমর্ষ হতে আছে ; স্বপ্নে কে কি না দেখে।
- শশী। সখি! আমার মন আর কিছুতেই স্থির হচ্ছে না,
আমার হৃদয় যেন কেঁপে কেঁপে উঠছে।
- প্রিয়। তুমি ভাই মনে কেবল সেই বিষয় নিয়েই তোলা
পাড়া কর, তাইত অমন হচ্ছে। আশিত তোমাকে
সেই অবশি বারণ করছি, যে তুমি ও সকল আর
ভেবনা।
- শশী। আমি কি ইচ্ছা করে ভাবছি, ভাবনা আপনিই
আসে, মনের গতিকে কি রোধ করিতে পারা যায় ;
সখি সেই অমঙ্গল স্বপ্নদেখে অবশি আমার মনে যে
কতটী দুর্ভাবনা হচ্ছে তা আর বর্জনতে পারিনে।
- (ক্রন্দন)

(গীত) রাগিনী খাম্বাজ তাল একতাল।

প্রিয়। মিছে কেন ভাব সখি কর শোক সমরণ।
না হয় ভাবিলে কতু ভাবনারি বিমোচন ॥
স্বপন অলীক সব, বাতিকেব প্রভাব,
স্বপনেতে হয় সখি অঘট ঘটন ॥
ডাকহ ভবানীপতি, হবে তব শিব গতি,
সব অমঙ্গল সখি হবে তব নিবারণ ॥

সখি ভগবান ভবানীপতিকে স্মরণ কর সকল অমঙ্গল
যাবে, ভেবে কি করবে বল ? লোকে জেনে শুনে যদি
মাপের গর্ভে হাত দেয়, যদি কারও নিবারণ না মানে,
সেই আর অপরের দোষ হয় না; যুবরাজ তোমার
পিতার উপরেই ক্রুদ্ধ হবেন, তোমার উপরে কেন
ক্রুদ্ধ হবেন, বরং তোমার মুখ চেয়ে তোমার
পিতাকে ক্ষমা করবেন ।

শশী । (সরোবর) সখি ! আর কি অভাগিনীকে যুবরাজ
চেয়ে দেখবেন, আর কি এ দুঃখিনীর তমোগম্য হৃদয়
কারণ সে সুখশি উদয় হবে ? সখি ! যদি হৃদয়নাথ এ
অভাগিনীর প্রতি বিমুগ্ধ হয়, তা হলে সখি, এ
জীবন আর রাখিব না ।

প্রিয় । ছি সখি ! ও সকল অমঙ্গল কথা কি বলতে আছে
তুমি দেখো দেখি তোমার হৃদয়নাথ কখন তোমার
প্রতি প্রতিকূল হবেন না ।

বিনা । প্রিয়সখি ! চল আমরা ঐ সরোবরতীরে যাই ।

প্রিয় । তোমরা যাও আমি একবার আসি ?

(প্রিয়সখীর প্রস্থান)

বিনা । চল সখি আমরা ঐ দিকে যাই ।

শশী । হ্যাঁ সখি চল ।

(উভয়ে সরোবরের দিকে গমন)

(বৃক্ষান্তরালে দুইজন পাঠান দস্যুর প্রবেশ)

১ম-দ। এইবার হয়েছে হে? ঐ ফটকের কাছে যাচ্ছে।

২য়-দ। চলনা আর দেরি কচ্চিস কেন।

১ম-দ। খাঁ সাহেব কি বলে দিয়েছে মনে আছে ত।

২য়-দ। সব মনে আছে, আর দেরি করিসনে, এইবার চ।

১ম-দ। তুই কোনটাকে লিবি।

২য়-দ। যেটা হোক একটাকে নেব, ওর আর এটা ওটা কি

তুই ও পাবিনে আর আমিও পাবনা, আমরা শালারা বয়ে মরুব, আর তারা মাল মারবে।

১ম-দ। তাদের দিয়ে কাজ নাই আমরা লিয়ে মূলক যাই চ।

২য়-দ। হাঃ হাঃ হাঃ ; তা হলেত বড় মজাই হয়।

১ম-দ। তাকি আর হবার যো আছে, খাঁ সাহেব এমে ঐ মোড়ের উপর দাড়িয়ে আছে।

২য়-দ। আর দেরি করিস কেন, চ-না।

(উভয়ের প্রশ্নান)

শশী। সখি, সন্ধা হয়ে গেল এইবার যাই চল।

বিলা। হ্যাঁ সখি, চল।

(উভয়ে গমনোদ্যত ও মহসী পশ্চাদ্ধিক হইতে দুইজন দলু আসিয়া উভয়কে স্কন্ধে করিয়া লইয়া পলায়ন)

(অপর দিক দিয়া প্রিয়স্বদার প্রবেশ)

প্রিয়। কই কাকেও ঘে দেখতে পাচ্চিনে, বুঝতে পেরেছি, আমাকে কেনা লুকান হয়েছে (চারি দিকে অন্বেষণ করিয়া) কই কেহই নাই যে, এরি মধ্যে কোথা গেল ?

(୨୧)

ଦେଖି, ଏକବାର ଡେକେ ଦେଖି (ଅକାଶେ) ଓ ବିଲାମ !
ବିଲାମ ! ଓ ପ୍ରିୟମଧି ! (ଅଗତ) କହି ? ତେ
ବାଢ଼ିତେହି ଗିରେଛେ, ସାହି ।

(ପ୍ରସ୍ତାନ)

ଚତୁର୍ଥାଂକ

ପ୍ରଥମ ଗର୍ଭାଂକ ।

(ଡକ୍ଟରୀନୀର ରାଜସଭା ବିସର୍ଥାଭାବେ ରାଜା, ଯନ୍ତ୍ରୀ ଓ
ପାରିଷଦବର୍ଗ ଆସିନ)

(ଦୁଇଜନ ଦୂତର ପ୍ରବେଶ)

ଦୂତ ଦ୍ଵୟ । ମହାରାଜେର ଉତ୍ତର ହଉକ !

ଯନ୍ତ୍ରୀ । ରାଜକୁମାରୀର କିଛି ସନ୍ଦାନପେଲେ କି ?

ଦୂତ ଦ୍ଵୟ । ନା ଯନ୍ତ୍ର ମହାଶୟ ! ଆମରା ଚାରିଦିକେ ଦେଖିଲାମ କିନ୍ତୁ
କୋଥାଓ କୋନ ସନ୍ଦାନ ପେଲାମ ନା ।

ରାଜା । (କ୍ରନ୍ଦନସ୍ଵରେ) ହା ବଂଶେ ଶନୀକଲେ ! ତା ନନ୍ଦିନି ! ତା ମି

কোথায় গেলো, কে আমার সর্বনাশ করিল ? তুমি
আমাদের একমাত্র আশালতা, যে আশালতা ধারণ
করিয়। আমরা এই সংসারবৃক্ষে আরোহিত রহিয়াছি
যে আশালতা অবলম্বন করিয়া সংসারের সুখসৌম্য
প্রাপ্ত হইব মানস করিয়াছিলাম, হা বিধাত! আমা-
দিগের মেটে একমাত্র সম্ভতিরত্ব জীবনসর্ব্বস্বকে কে
হরণ করিল। হা বৎসে! তোমাবিহনে তোমার জনক
জননীকে কি দুর্দশা হইয়াছে দেখ। হায়, তোমার
জননী বৎসহীনা কুরঙ্গিনীর ন্যায় অনাহারে পুণ্ড্রবলু-
ষ্ঠিতা হয়ে রোদন করিতেছে যে কি তোমাবিহনে
আর জীবিত থাকিবে।

মন্ত্রী। মহারাজ! শোক সম্পন্ন করুন। এত উত্তলা হবৎসে
না, আরও ত অপরায়ণ লোক গিয়েছে, ভাল তারা
আগে আশুক, না হন, মহারাজ আর এক কৰ্ম্ম করিলে
হয় না?

রাজা। আর কি কৰ্ম্ম মন্ত্রি।

মন্ত্রী। একবার সেনাপতি মহাশয়কে পাঠালে হয় না?

রাজা। উত্তম পরামর্শ, দূত! সেনাপতি মহাশয়কে বলগে আমি
স্মরণ করেছি।

দূত। যে আছে মহারাজ!

(দূতের প্রস্থান)

মন্ত্রী। মহারাজ! আমার বোধ হচ্ছে যে এ পাঠান দূতাদিগেরই
কৰ্ম্ম; তা নাহলে মানুষ ছুরি আর কে করবে?

রাজা : আমারও তাই বোধ হয়, হায় ! না জানি তারা কত
যত্ননাই দিচ্ছে ।

মন্ত্রী । আমিও মহারাজকে পূর্নকই বলেছিলাম, যে রাজ
কুমারীকে আর পমোদউদানে রাখবেন না, কারণ
দস্যুভয় অত্যন্ত হয়েছে । তা আপনিও আমার কথা
শুনলেন না !

(সেনাপতি বিজয়সিংহের প্রবেশ)

বিজয় । মহারাজ ! অভিবাদন করি ।

রাজা । (করুণস্বরে) হায় বিজয় ! আমার কি হল !

বিজয় । মহারাজ শান্ত হউন । কুমারীকে অবশ্যই পাওয়া যাবে
আমি সেনাপতিকে স্থানে স্থানে পাঠিয়েছি তারা এখন
কেঁহ ফিরে আসে নাই ।

রাজা । বিজয়, যে আমার কন্যা বটে কিন্তু তুমি তাকে যত
ভালবাস, যত স্নেহকর, আমিতত করি না ; তা আমি
বলি কি, তুমি নিজে একবার গেলে ভাল হয়না, কারণ
দস্যুদিগের অনুসন্ধান করা বড় সহজ কর্ম নয় ।

বিজয় । যে আছে মহারাজ ! রাজ্য অরক্ষিত রেখে যাওয়া
টা ভাল বিবেচনা করেন কি ?

রাজা । তার জন্ম চিন্তা নাই ।

বিজয় । যে আছে মহারাজ ।

(বিজয়সিংহের প্রস্থান)

চতুর্থাক।

দ্বিতীয় গর্ভাক।

(উজ্জয়িনীর রাজপথ বিজয়সিংহের প্রবেশ)

বিজ।

(স্বগত) তাইত মহারাজ আমাকে যেতে বলেন
কি করি নগর শূন্য রেখে গেলে বিপদের সম্ভাবনা
আর না গিয়েই বা করি কি। রাজা ও রানী কন্ঠার
শোকে যে রূপ কাতর হয়েছেন, যদি তাকে না পান
তা হলে নিশ্চয়ই প্রাণত্যাগ করবেন। আহা, তাত
হতেই পারে ঐ একমাত্র সম্ভূতিই তাঁদের জীবন,
বুদ্ধির ফল বইত না; তাকে হারা হয়ে যে আর সুখ
ভোগে ইচ্ছা হবে, তা কখনই সম্ভবে না, হয় প্রাণ
ত্যাগ, না হয় রাজ্যত্যাগ, এই দুয়ের এক হবেই।

(পরিভ্রমণ করিয়া) আমি কি মুর্থ এতে যে আমারি
সুবিধে, আর আমি এতক্ষন কি ভেবে ভেবে মছি
আমার মতন মুর্থ ত আর এ ভূভারতে নাই। আমি
স্বয়ং ক্ষমতাশালী হয়ে, একজনের দাস্যবৃত্তি করি
কেন ? কি ভ্রম ! আর মিছেমিছি কাকেইবা খুজতে
যাব। এ বয়সে রাজার যে সম্ভানসম্ভূতি
হবে তারতো আশাই নাই, তবে আর কেন (আহ্বাদে
সহিত ভ্রমণ করিতে করিতে) এবার আমারইত পোষা

বার দেখি বিজয় সিংহই, তো এবার রাজা । হাঃ
হাঃ হাঃ ! বিজয়সিংহ আর সেনাপতি নয়, হাঃ
হাঃ হাঃ ! এবার মহারাজ বিজয়সিংহ ।

(তরবারি উন্মোলন করিয়া বীর দর্পে কুমার ইন্দ্র-
সিংহের প্রবেশ)

কুমা । মহারাজ বিজয় সিংহ ! ইন্দ্রসিংহ, এবে—
সাদরে তোমারে আজি পরাবে মুকুট,
বসাবে তোমারে আজি নরক আশনে ।
রে ছুরাঙ্গা নরাধম ! এখনো চেতনা ?—
অপমান করিরাছ বৃদ্ধ সিংহরাজে—
জাননা, কতান্ত সম শাবক তাহার
জীবিত রয়েছে, এই ভারত মাঝারে ।
কাপুরুষ ! ক্ষত্রাধম ! পামর ! জারজ !
বীর তোরে কেবা বলে, দণ্ডাধম তুই ।
শিখাইব আজি তোরে বীরতা কেমন,
লায়ে পাপ মুণ্ড তোর, করিব অপর্ণ
পূজ্য পিতৃপদে ; তবে হবে প্রতিশোধ,
সূর্যবংশ অপমান, শূন্য হইতে ।
করেছি প্রতিজ্ঞা, আজি পালিব মতনে—
জগতে দেখাব আজি ক্ষত্রিয় প্রতিজ্ঞা ;
ভীম যথা করেছিল, হুঃশাসন বধে ।
এইরে কতান্ত আজ, ধরিসু সবলে ;
পাতিত করিতে তোর মুণ্ড ধরাডলে ;
সাধ্য থাকে রক্ষা কর ।—

(ভরবারি উত্তোলন করিয়া বিজয়সিংহের প্রতি প্রহার,
পরম্পর প্রহার করিয়া কুমারের শেষ আঘাতে
বিজয়সিংহের মস্তক ছিন্ন হইয়া ভূমে পতন)
কুমার । (বিজয় সিংহের ছিন্ন মস্তক হস্তে করিয়া)

দেখুক জগতে ।—

কেমনে পালিতে হয়, কত্রির প্রতিজ্ঞা,
কেমনে শোধিতে হয়, পিতৃ অপমান,
কত্রির বীজের তেজ কেমন প্রধর ;
কিরূপে করিতে হয় বংশ মান রক্ষা ।
এই যে পামর মুণ্ড দেখিছ সকলে,
দেখাইব, লয়ে আজ কত্র কুলান্নারে,
যার বলে বলী ছিল উজ্জয়িনীরাজ ;
আলিন্দীতে দিব তারে এই ছিন্ন মুণ্ড ।
লইব পামরে আজ বাকিয়া শৃঙ্খলে,
সমর্পিব মহারাজ যোধপুরেশ্বরে,
ভাসাইব রক্ত শ্রোতে উজ্জয়িনী আজ ;
অটবী করিব এই নগর সুন্দরে ।

—

পঞ্চম অঙ্ক ।

প্রথম গভাক ।

(উপত্যকান্ন পাঠান দস্থ্যপতির শিবির দস্থ্যপতি বরকন্দাজ খাঁ ও সহকারি নায়ক তেজ খাঁ আসীন)
বর । দেখ তেজ, তোমারই ফতে । যাই হোক, কালীই হোক, আর সাফাই হোক, ভোগ কত্তে পাচ্চ ত ? আমার নসিব, যে কি বদ্, তা আর বলতে পারিনে । আজ প্রায় এক চাঁদ হল, এখনও আমি ছুঁড়িটাকে দ্বোরস্ত কর্তে পার্লাম না । আল্লা আমার উপর যে কেন এত নারাজ, তা বলতে পারিনে ; হাঃ আল্লা ! আমি তোমার কি গুনা করেছি ।

তেজ । বলি খাঁ সাহেব, তুমি পীরের সিন্ধি মান ।

বর । ওরে তেজ, আমি কি কিছু বাকি রেখেছি—আমি ফকিরকে ডাকারে বলে দিবে ছিলাম যে তুমি দরগার দোরা ম্যাংগ, আমার কাম হাসিল হলে তোমাকে খুব খুসি করবো । ফের কাল সাঁমের বেলা, আমি দরগার গিয়ে ছিলাম, ফকিরকে বলুম যে কৈ মিয়া, তুমি কি কর্চো, কিছু ফরদা দেখতে পাইনে যে ? তা ফকির বলে যে, “খাঁ সাহেব আমি চোর তরে রোজ খাম স্বেঁতে পিরের কাছে দোরা ম্যাংগি, তা কাম তোমার হাসিল হবেই হবে, আজ না হয় দুদিন পরে হবে, ”—দেখি, এখন আল্লার মনে কি আছে ।

তেজ । তা হবে বৈকি, হবে নাও আর বাবে কোথা ; ঐ

আশমানকে একটু সমজাতে বলে দিওনা, তা হলেই হবে !

বর । সমজাতে কি আর বাকি করেছি, আশমানকে আমি তার হাল সব পুছেছিলাম ? তা আশমান আমাকে বলে যে “আমার হাতে খানাখায়না, আমার হাতে গোছল লেয় না কেবল দিন রাত মাতম, করে, আর ছাতি পেটে ।”

তেজ । এক দিন শরাব পেলায়ে দাওনা ।

বর । হা আল্লা ! সে পানিই পেয় না, আবার শরাব ।

তেজ । না হয় আখেরে জবরদস্তি ।

বর । কাজেই —তোমারটি কেমন ।

তেজ । কথায় কাজকি, হেঁ হুতে যে এমন রঙ্গিলা আছে তা আমি জানতেম না ।

বর । (দীর্ঘনিশ্বাস ফেলিয়া) যাহোক ভাই তোমারি জোর নসিব ।

তেজ । এই যে, আশমান আশে ?

(আশমানের প্রবেশ)

আশ । আদব হজুর, এই যে, ছোট হজুর কতকণ, আদব ।

তেজ । এই তোমারি জন্যে এসে বসে আছি, বলি আশমান কেমন আছে একবার দেখে আসি, খাঁ সাহেব, আমাদের সেই আশমান ।

আশ । হজুরের মেহরবানি ।

বর । তবে আশমান, কি খবর, বল ।

আশ । ডি হজুর, খবর সব ভাল ।

বর । হাঃ হাঃ হাঃ আল্লার কোদ্‌রৎ, তবে যাব কি ?

আশ । জী না হজুর, এখন নয়, বিবির দিল্ একটু শাবুদ হোক্, তার পর আমি হজুরকে খবর দেবো ।

বর । আশমান ! তোমাকে আর কি বখশিষ করবো, আমিত তোমার আছিই, তা ছাড়া এই ছোট মিরাকে তোমার সঙ্গে নিকে দেলাম, কেমন ? হাঁ : হাঁ : হা : ! এই লও আশমান, তুমি আমাকে খোস্ খবর দিয়েছো, তোমাকে আমি এই জওহারের আংটা দিলাম ।^০ যে দিন আমি তাকে পাবো, সে দিন তোমাকে মতির হার দেবো ।

আশ । জি হজুর, বানীত বরাবরই তাঁবেদার আছে সেকারে সেই বামনের ছোকরিকে কেমন তালিম দিবে ঠিক করে দিবে ছিনু ।

তেজ । আচ্ছা খাঁ সাহেব, তুমি যে মিরাতে এক ছোকরিকে পেয়ে ছিলে, সে কোথা গেল ?

আশ । ঐ গোলাপি ।

বর । মিরাতে, রস্তম বোলে আমার এক বেটা চাকর ছিল, সে তারি সঙ্গে পালিয়ে গেল ।

তেজ । তা, তার আর তন্নাস করলে না ।

বর । কি আর তন্নাস করব, গেল গেল—ছেঁড়া যুতো বইত নয় ।

আশ । তবে হজুর, এখন আমি—

বর । হাঁ এস, কিছু যত জলদি পার—দুঝলেত ?

আশ । জি হজুর, আমাকে আর বলতে হবে না । (সেলাম করিয়া প্রস্থান)

তেজ । তবে হজুর, আমিও—

বর তা কাজেই, তোমার কুলে মাচি বস্চে ।

চেজ । হাঃ হাঃ হাঃ, তবে হজুর আদব ।

বর । চল আমিও যাই ।

(উভয়ের প্রস্থান)

দ্বিতীয় গর্ভাঙ্ক ।

(দম্ভাগৃহে শশী-কলার বিলাপ)

শশী । (রোদনস্বরে) বাঃ পাহাড়িয়া । তাল আড়াঠেকা ।

হার রে দারুণ বিধি এই কি ছিল তোম মনে ।

ভাসাইলি দুঃখার্ণবে অবলা সরলা জনে ॥

এত যদি ছিল মনে, কেনরে দিলিনে বনে,

তাহা যে সহিত প্রাণে এ অভাগিনীর রে ।—

হুরন্ত পিলাচগণে, দিতেছে বাতনা মনে,

সহেনা ত আর প্রাণে চির দুঃখিনীররে ।—

ওরে বিধি নিদারুণ, হরে নেরে এ জীবন,

তাহলে এ অভাগিনী-জুঁডাবে তাপিত প্রাণে ॥

(আশমানের প্রবেশ)

আশ । সাজাদি তুমি রাত দিন এমন মাতম কর কেন ?

তোমার কি এখানে কিছু দুঃখ হচ্ছে ; এমন আরা-

মেতে পাহাড়ের উপর রয়েছ, তবু কি তোমার পেরে-

শানি ছোচেনা । এমন সোনারচাঁদ খশম তাকে

তুমি দেখতে পার না । এমন সব আমির ওমরাও,

নবাব হুবোকে তোমার পছন্দ হবে কেন, তোমাদের

মাড়োআড়িই ভাল। বাদের গারের বোটকা গরুতে
ভূত পালার,—আমার কথা শোন, ও সকল ছেড়ে
দাও ; আর গম হয়ে খেকনা ; দিল সাবুদ কর।
খাঁ সাহেবের সঙ্গে খুব খুঁসির হালে বাতচিত কর
তাহলে হুখে থাকবে। নাহক আপনা আপনি
কেন হাররান হও।

শশী। আশমান ! এখানে আমার দুঃখ জানাবারো কেউ
নাই, আর দেখবারো কেউ নাই, আমার অন্তরে যা
হচ্ছে তা সেই সর্কাস্তর্যামী জিনি তিনিই জানেন, তুমি
কি জানবে বল দেখ আশমান ! তোমাকে মিনতি
করি, তোমার পায়ে ধরি (পদ ধারণ) আমাকে আর
যন্ত্রণা দিও না। তুমি আমাকে একটু বিষ কিনা এক
খানি অস্ত্র এনে দাও তাহলে তুমি আমার বন্ধুর
ন্যায় কার্য্য করবে। এই লও আমার এই সমস্ত গহনা
তোমাকে দিচ্ছি, এতে তোমার যথেষ্ট উপকার হবে,
তোমাকে মিনতি করি, আমাকে এই দুইয়ের এক
এনে দাও ; আমি বল্চি এতে তোমার পাপ হবে
না, বরং তোমার ঈশ্বর মঙ্গল করবেন।

আশ। তোমার ননিবে দুঃখ আছে, তা কে ঘোঁচাবে
বল। আচ্ছা তুমি বোস, আমি তোমার দাওরাই
আনচি। (স্বগত) আমার যা করবার তা ত কল্পম ;
কিন্তু কিছুই কতে পার্লাম না। যাহোক্ বহুৎ বহুৎ
মেরে মানুষ দেখেছি,—কতো শতাকে বার করেচি,
কিন্তু এমন কড়া মেজাজের আওরৎ আমি দেখি
নাই। যাই একবার খাঁ সাহেবকে বলিগে তিনি যা
হয় করবেন।

(প্রস্থান)

শশী । (ককণস্বরে) হা বিধি ! তোমার মনেকি এই ছিল ! ,
দুঃখিনী রাজকুলে জন্মগ্রহন করিয়া, দস্থা কারাগারে
এই 'যন্ত্রনা' ভোগ করিতে হইল । হা পিতামাতা
তোমরা কোথায় ! তোমাদের দুঃখিনী সন্ততি দস্থা-
হস্তে পতিতা হয়ে—যে কি নিদারুণ যন্ত্রনা ভোগ
কচে তা তোমরা কিছুই জাননা । হা জীবি-
শ্বর ! এ চিরদুঃখিনী একমাত্র তোমাকেই প্রাণ,
মন সনর্পন করেছে । হা নাথ ! তুমি বিনা এ
অভাগিনীর আর কেহই নাই, অভাগিনী বাল্যকাল
হ'তে "বীর" পতি লাভ মানসে ভগমান ভূত-
নাথের আরাধনা করিয়া তোমাকেই মনে মনে মাল্য
অর্পন করেছে । যে দিন দৈব দুর্ঘ্যোগে বিতাড়িত
হয়ে আপনি অধিনীর নৃত্যশালার পদাৰ্পন করেন,
সেই দিনেই অধিনী প্রাণ, মন, দেহ সমস্তই তোমার
চরণে অর্পণ করেছে । হা নাথ ! দুঃখিনীর পিতাই
শত্রু হয়েছে, এ চির দুঃখিনী অবলা তোমাকে বই
আর কিছুই জানেনা । তুমিই, অবলার সম্পত্তি,
তুমিই অবলার সহায় । হৃদয়বল্লভ ! বীরপতি
হয়ে সামান্য দস্থাহস্তে অপমানিত হতে হচে ?

(দস্থাপতির প্রবেশ)

দ-প । (স্বগত) আহা ! এ চাঁদের কি তুলনা আছে ?
দিল্লির বাদশাহেব ফুলবাগে এমন ফুল আছে কি না
সন্দেহ ? (প্রকাশ্যে) শাহাজাদী, তোমার গোলাম
হাজির হয়ে আদব জানাচ্ছে ।

শশী । (স্বরোধনে) দস্থাপতি ! তোমাকে মিনতি করি,

তোমার পারে ধরি আমি সহায়হীনা অবলা, আমাকে
আর যত্ননা দিও না। অগদীশ্বর তোমার মঙ্গল
করুন, তুমি আমাকে নিষ্কৃতি দাও।

দ-প। সুন্দরি! “দশা” কথাটা বাতিল করে সেরেফ্
“পতি” বলে ডাক। কাকে ছেড়ে দিব সুন্দরি,
আমার জ্ঞানকে ছেড়ে দিবে আমি কি আর বাঁচব।
সুন্দরি, যে তোমার জন্যে সকল কাম কাষে রেছাই
দিবে কেবল দিন রাত ঐ গুল্ বদন এয়াদ কচ্ছে,
তার প্রতি এত নারাজ কেন। তোমার হুঃখু
কিসের বিবি, আমি গোলাম্ হাজির্ থাকতে
তোমার হুঃখু কিসের। তোমার আরাধের জন্যে
আমি আর কি করব বল, হুকুম করিলে গোলাম
এখনি তাহাই হাজির্ করবে।

শনী। খাঁ সাহেব, তুমি ধন্য সাক্ষ্য করিয়া প্রকিঙ্কা কর, যে
আমি যাহা চাহিব তুমি তাহাই দিবে?

দ-প। হাঁ বিবি, গোলাম তাহাই হাজির্ করব বল। তুমি
কোথাও বাইতে দিব না, আমার আরাধের জন্যে কিছু দিব
না, তা ছাড়া আর সব দিব।

শনী। আচ্ছা খাঁ সাহেব, তুমি আমাকে আর কিছু দিন যত্ন
দাও এই আমার প্রার্থনা।

দ-প। সুন্দরি! আর কিছু দিন কি, আর একদিন, কিম্বা আর
এক ঘণ্টা, কোমাকে না পেলে আমার মনুঃ উড়বে।
আর কেন সুন্দরি দরক দকে আমাকে দেখে কখনো মনে

আমার কাছে এস ; তোমার ও গুলবদনের বোছা-
লিয়া আমার পেরেশান জান্কে ঠাণ্ডা করি ।

(শশীকলার নিকটে গমন)

শশী । (প্রকাশ্যে) হ্যাঁ, বসন্তের সময় । (প্রকাশ্যে বাগ্‌চার
দেখি) হ্যাঁ, মাঝে মাঝে তোমার পায়ে ধরি, তোমাকে
স্বপ্নেও দিচ্ছি । তোমাকে আর এক দিন সময় দাও ;
আমি বলছি, আমি তোমারই হইব । আজিকার
দিন আমাকে ক্ষমা কর ।

দ-প । (স্বগত) কি করি, একটা দিন ; আমার ত হবেই,—
যাগ্‌গে না হয় আর এক রোজ বই ত মর । (প্রকাশ্যে)
আচ্ছা বিবি, যখন জবান্ দিয়ে ছ,—আর এক দিন
তোমাকে রেহাই দিলাম, কিন্তু কাল আমি আর কোন
কক্ষর জন্ম না । (দ্বারের নিকট যাইয়া) সুন্দরি
তবে এখন আমন্ জানাই । (প্রহরীর প্রতি) মহি-
পৎ, খুব ছঁসিরারে থাকবে । (দস্যুপতির প্রস্থান)
(আশমানের প্রবেশ)

আশ । সাহাজাদি, আপনার দেশীর সখি বিলাসবতী
এসেছে ; আপনার সঙ্গে দেখা করতে চাচ্ছে, হকুম
হয়ত আ—

শশী । না, আমি সে পাপীরসীর সহিত দেখা করতে চাই
না । তোমরা আমাকে আর বিরক্ত কোর না, আমি
একটু বিশ্রাম করি ।

(আশমানের প্রস্থান)

ষষ্ঠাঙ্ক ।

প্রথম গর্তাঙ্ক ।

(উপত্যকাস্থ নিবিড় বন—কুমার ইন্দ্রসিংহের প্রবেশ)

কুমা । (স্বগত) একি, অন্যমনস্ক হইয়া এ কোথায় আসিলাম্ । এ যে নিবিড় বন দেখি । না, বিধাতা আমাকে উত্তম স্থানেই আনিয়াছেন ; এখন এই আমার উপযুক্ত স্থান । (বৃক্ষকলে উগবেশন) রে হতবিধে ! তোর মনে কি এই ছিল, আমি যাহার জন্য প্রবল সমর-মাগর উত্তীর্ণ হইলাম, শত শত জীৱ হত্যা করিলাম, যাহার জন্য পূজ্যপাদ পিতার অপমানকারীকেও জীবন দান করিলাম্ । যাহার জন্য উচ্ছিন্ননীরকে নিৰ্ম্মমুখা করিলাম না, যাহাকে এই পাষণ্ড জদরে অঙ্কিত করিয়া জীবন উৎসবের প্রতিমারূপে প্রতিষ্ঠা করিলাম, যে আশ লতা ধারণ করিয়া মানব জীবনের সুখ-সৌম্য অতিক্রম করিবার মানস করিয়াছিলাম, আমার সেই জীবনপ্রতিমা অগহরণ করিলি ? আমার বহনে রোপিত আশালতাকে সমূলে উৎপাটন করিলি ? হায় ! আমার সকলি পুণ্ড্রম হইল । রে হত বিধে ! যে নন্দনানন্দদায়িনী সৰ্ব্ববন্দ্য এই আমার জদয়-মস্তকে প্রতিবিন্ধিত রতি-রাজ্যে আমার জদয় সমস্ত হইল তাহাকে অপগবন করিলি । তোর শরীরে কি দ্যুতী লক্ষ্য যাত্রাও নাই ? তুই যে আমার নিধি । তুই যে আমার সহ্য । তুই না

এ দারুণ আঘাত আর সহ্য হয় না।— হা জীবন-
 সর্কস্ব ! আমি জীবিত থাকতে তোমাকে কে অপ-
 হরণ করিল, কার আত্মশেষ হইল, তার শত মস্তক বা
 সহস্র মস্তক হইলেও তাহাকে নিশ্চিন্তক করিব ; সে
 স্বয়ং দেহপ্রাক হইলেও তাহাকে ক্ষমা করিব না।
 প্রিয়ে ! তুমি ভিন্ন এ ছন্দস আর কাহারও নয়। আমি
 এই বনদেবী সমক্ষে প্রতিজ্ঞা করিতেছি, যে তুমি
 ভিন্ন আর কাহারও কর গ্রহণ করিব না ; যদি
 তোমাকে পাই তবে রাজ্যে প্রত্যাগমন করিব, নচেৎ
 এই বনেই আমার জীবনাবশেষ। (কিঞ্চিৎ নিস্তন্ধ-
 তার পর, অহুরে বিলাপধ্বনি শ্রবণ করিয়া) এক !
 এ নির্জন বন মধ্যে বিলাপ করে কে ? (দাড়াইয়া)
 কাহারেও কি হিংস্রক অন্তরে আলমণ কবেছে ?
 না, তাহলে রোদন করবে কেন। বোধ হয় কোন
 পখিককে দসুরা আক্রমণ করেছে। সাহাই হউক আমি
 থাকতে একজনের প্রাণ যাবে, তা কখনই হবে না।
 (তরবারি উত্তোলন করিয়া বেগে প্রস্থান ও
 নেপথ্যে কোলাহল শব্দ ; পরে একজন দসুর
 কেশাকর্ষন করিয়া ও একজন পখিক ব্রাহ্মণকে সঙ্গে
 করিয়া কুমারের পুনঃ প্রবেশ)

দসুরা। (রোদন করিতে করিতে) হজুর ! আমাকে ছেড়ে
 দাও, আমি কিছুই জানিনে ?

কুমা। হুয়ায়া ! তোকে ছেড়ে দিব, তই ব্রহ্মহত্যা
 করিছিলি।

প-ব্রা (কাতরস্বরে) বাবা তুমি আজ আমার জীবন রক্ষা করলে, ভগবান ব্রহ্মদেব তোমাকে সকল বিপদে রক্ষা করুন । আমি বৃদ্ধ ব্রাহ্মণ আমার বাক্যের কখন অন্যথা হবে না ।

কুমা । দেব ! আমার কি সাধ্য আপনার প্রাণদান করি, সর্কাজন হিতৈষী পরম দয়ালু ভগদীশ্বরই আপনাকে রক্ষা করিয়াছেন । (দস্যুর প্রতি) রে চণ্ডাল ! এই বৃদ্ধ ব্রাহ্মণকে দত্তা করিয়া তোর কি লাভ হইত ?

দস্যু । হজুর ! আমি কি করণ আমি র মনিবের হুকুম আমাকে ছেড়ে দিন আমি কিছুই জানি না ; আমি একজন সর্দারের চাকর বইত না ।

কুমা । কে তোদের সর্দার ? কোথায় সে ?

ব্রা । (কাঁপিতে) বাবা ! ঐ পাহাড়ের উপরে । ঐ দেখা যাচ্ছে । বাবা, ও সমালয়, সব যমদুঃ, সব যমদুঃ ।

কুমা । তোর সর্দারের নাম কি ?

দস্যু । হজুর ! বরকন্দাজ খাঁ । আমাকে ছেড়ে দিন, হজুর ! আমি আপনার গোলাম ।

কুমা । আচ্ছা ভয় নাই আমি তোকে মারব না, তোর সর্দারের কাছে আমাকে নিয়ে চল ।

ব্রা । (স্বগত) একি সর্কনাশ ! হা ভগবান ! রক্ষাকর । (প্রকাশ্যে) ও, কি বল্চ বাবা, কোথায় যাবে বাবা ; তারা যে ডাকাত বাবা তুমি যেওনা বাবা যেওনা ! তুমি চল বাবা, আমার সঙ্গে চল ।

কুমা । দেব ! আপনার ভয় নাই, আপনি সচ্ছন্দে বাটা যান ।

ত্ৰা । আমি যাচ্ছি বাবা, তুমি আমার সঙ্গে এস বাবা, তুমি ডাকাতের কাছে যেওনা বাবা, তারা অতি নিষ্ঠুর বাবা ।

কুমা । দেব ! আপনি তার জন্য ভয় করবেন না, আমি একাকী যাবনা, আমার আরও লোক জন আছে ।

ত্ৰা । তা বাবা, আমি জানি না বাবা, তুমি বোঝ বাবা ।
তুমি আমার প্রাণ দান দিয়েছ তোমার জন্যে আমার প্রাণ কেমন করে বাবা ।

কুমা । ছুরাচার দস্যুরা আপনার নিকট হইতে, কি কি দ্রব্য অপহরণ করেছে ?

ত্ৰা । বাবা, আমার সব নিয়েছে ; বাবা, আমার সব নিয়েছে ।

কুমা । (দস্যুর প্রতি) রে পামর ! এই ব্রাহ্মণের কি অপহরণ করিয়াছিস্ ?

দস্যু । হজুর, আমি কি জানি ? সর্দার নিয়েছে ।

কুমা । দেব ! আপনার নিকট কি কি দ্রব্য ও কত অর্থ ছিল ?

ত্ৰা । (কাতরস্বরে) বাবা, আমার ছেলেটির ষষ্ঠোপবীতের জন্য কিছু ডিম্বা করে বাড়ী যাচ্ছিলাম, এই টাকা পঞ্চাশ নগদ আর কিছু বস্ত্রও ছিল, তা বাবা সব নিয়েছে ; কি করব বাবা !

কুমা । আপনি কাতর হবেন না, এই নিম্ন যৎকিঞ্চিৎ আমার সঙ্গে ছিল । (ব্রাহ্মণের হস্তে দশটি স্বর্ণমুদ্রা প্রদান)
একণে বেলা অপরাহ্ন হয়ে আস্চে আপনি বাড়ী যান, প্রণাম হই ।

রা। আশীর্বাদ করি বাবা তুমি রাজা হও তোমার ধনে
পুত্রে লক্ষীলাভ হোক তুমি দীর্ঘজীবি হও।

(ব্রাহ্মণের প্রাশ্নান)

(কুনালের ভেরি ধুনি করিবামাত্র মুক্ত অস্ত্র হস্তে,
বেগে চারি জন গোছার প্রবেশ ও কুমারকে প্রণাম
করিয়া দণ্ডারমান)

কুমা। (সবিস্ময়ে) একি ! তোমরা কোথা ছিলে ?

১ ম ঘো। কুমার, আমরা এই বনমধ্যে আপনাদিগকে অন্বেষণ
কচ্ছিলাম!

কুমা। (অগত) ভগদীপসই স্বহাৱ। (প্রকাশ্যে) এই
দুরাশ্রমিকে বন্ধন করে লয়ে এস। (দস্যুর প্রতি) রে
দুরাশ্রা চল, অগ্রসর হ।

(সকলে নিরুদ্ভাস)

—

দ্বিতীয় গর্ভাঙ্ক ।

(দস্যুগৃহে-শশীকলার বিলাপ)

গীত ।

রাঃ-রামকেলি-ঘোগিরা । তাল-মধ্যমান ।

শশী ।

কোথা শ্রীমধুসূদন ।

দুঃখিনী ডাকে বিপদে দেহ নাথ দরশন ।

হৃৎস্বাসি কুরু সকলে, দ্রৌপদীরে লজ্জা দিলে,

তুমি নাথ করে ছিলে, সতী লজ্জা নিবারণ ।—

দুঃখিনী আতি তোমারে, ডাকিছে অতি কাহরে,

রাধ নাথ অবলার অমূল্য সন্তিত্ব ধন ॥

(স্বগত) হায় ! একদিনের পর আজ আমার সকল আশাকেই বিদায় দিলাম । হা বিধি ! তোমার মনেকি এট ছিল । লোকের জীবনে সুখ দুঃখ উভয় ঘটনাই হয়ে থাকে, কিন্তু এ অভাগিনীর কপালে কি কেবল দুঃখই লিখিরাছিলে । হা পিতঃ ! হা মাতঃ আর তোমাদিগকে দেখিতে পাইলাম না । তোমাদের দুঃখিনী কন্যা আজ তোমাদের নিকট বিদায় চাহিছে, চিরদিনের মতন বিদায় চাহিছে : মা ! তোমার আদরের ধন, মননের ধন, তোমার একমাত্র দুঃখিনী কন্যা, রমণী-সুভাগ সতী হু ধন রক্ষার্থে জীবন বিসর্জন দিতেছে । হা সখি প্রিয়সুহৃদে ! হা ভগিনি তমা-লিকে ! তোমরা এখন কোথায় পুঁজাহাকে ক্ষণমাত্র না দেখিলে, তোমরা অন্ধকার দেখিতে, হা হা

তোমাদের সেই প্রিয়সখী, নরাদমদসুর হস্তে পতিতা হয়ে, তাহাদের পাপাশয় হইতে রক্ষা পাইবার জন্য প্রাণনাশে স্কর করেছে। একবার আসিয়া দেখা কর ; এ জনমের মত তোমাদের প্রিয়সখি বিদায় চাহিছে। হা জীবিতেশ্বর ! হা প্রাণবল্লভ ! হা নাথ ! তোমাকে মন মাল্য প্রদান করিয়াই আমার শেষ হইল ! গন্ধমাল্য দিবার আর সময় হইল না। অতিথীভাবে সেবা করিয়াই শেষ হইল। পণ্ডিতাবে আর সেবা করিতে পাইলাম না। বিধাতার কি বিড়ম্বনা।—অভাগিনী সিংহরমণী হয়ে শৃগালের কাতে অপদস্থ হইতে হইল ? আর না—এ বঙ্গা আর সত্য হয় না। হা কঠিন হৃদয় ! তুমি এখনও বিদীর্ণ হইতেছ না কেন ? হা কঠিন প্রাণ ! তুমি এখনও প্রশ্রয় করিতেছ না কেন ? হা দল কলেবর, তুমি এখনও সর্সাবয়বে বিশীর্ণ হইতেছ না কেন ? রে চক্ষু তুই এখনও উন্মালিত রহিয়াছিস ? আরো কি তোমার এই পাপতুমি দর্শনে অভিলাষ আছে ? রে রমণা ! এখনও তুই স্ববশে আছিস ? রে কর্ণ তুই এখনও বধির হ'স্ নাই কেন ? আরো কি দুঃখাদিগের কটুকি শ্রবণে তোমার অভিলাষ আছে ?—মাতঃ ভারত-ভূমি ! তোমার দুঃখিনী সন্ততি, আজ তোমার নিকট বিদায় চাহিছে ; ভারতের অমল্য সন্তীত রত্ন রক্ষার্থে তোমার নিকট বিদায় চাহিছে। দুঃখিনী আর সহ্য করিতে পারে না। হা বিরাম-দায়িনী মত্যা ! তুমি

কোথায় ? তুমিই অভাগিনীর একমাত্র সহায় ;
এস, তোমাকে আলিঙ্গন করিয়া চির সস্তাপিত
দেহকে শীতল করি ।

(মহসঃ দস্থ্যপতির প্রবেশ)

দ-প । (কিঞ্চিৎ উন্মত্ত অবস্থায়) হাঃ হাঃ হাঃ ! বিবি
আজ তোমার বাত্ শুনিয়া বড় খুশি হইলাম,
হাঃ হাঃ হাঃ ! কি—বাত্—হাঃ হাঃ হাঃ ! “তোমাকে
কি—আঞ্জিমসড় নানা, কি বলি বিবি ? তোমাকে
আলিম—আলিম—কি আলিঙ্গন করিয়া, হাঃ হাঃ হাঃ !
বিবি, আমি ত আসিয়াছি, আর তোমার ভাবনা কি,
এস আমার কাছে এস—তোমাকে আলিঙ্গন করিয়া
তোমার জানকে ঠাণ্ডা করি ।

(শশীকলাকে ধরিতে অগ্রসর ও শশীকলার ইতস্ততঃ
পরিভ্রমণ)

শশী । দেখ দস্থ্যপতি, দাঁড়াও দাঁড়াও, আমার একটা
কথা শুন ।

দ-প । কি কথা সুন্দরি ; বল, বল, আমাকে বল ।

(শশীকলার নিকটে গমন)

শশী । (কিঞ্চিৎ অস্বস্ত হইয়া) দেখ তুমি আমার কাছে
আসিও না ।

দ-প । কেন সুন্দরি আমি কি বদ সুরত্ ।

শশী । না, তা নয়, তোমার ঐ অস্ত্র শস্ত্র গুলো দেখলে,
আমার বড় ভয় করে ।

দ-প । হাঃ হাঃ হাঃ হাঃ ! আচ্ছা সুন্দরি ; আমি এখানে ?

সকল আর আনব না ? এই আমি সব রাখিলাম ।
(পেশ কবচ হইতে তরবারি খুলিয়া এক পাশে
রক্ষণ ও শশীকলার নিকটে পুনরাগমন)

শশী । (দ্রুতপদে গাইয়া অস্ত্র গ্রহণ ও কোষ হইতে তরবারি
খুলিয়া দণ্ডায়মানা)

দ-প । (মবিস্মরে) ও কি সুন্দরি !

শশী । (তরবারি উত্তোলন করিয়া) আয় ছুরাআ—

দেখি তোরে ; কেমন সাহস তোর,

অমূল্য সশীত্বপন করিবি হরণ ?

জাননা ক্ষত্রিয়কন্যা আমি রে পামর

ইন্দ্রসিংহ পত্নী আমি ; তুই যার ভয়ে—

লুকাইয়ে রহেছিস, পর্কিত বিবরে ।

জাননা, সশীত্ব পন সশীর জীবন,—

জীবন থাকিতে, তুই লতে চাস তারে ?

পদমাত্র অগ্রসর হইবি রে যদি,

তোরই অস্ত্রের তেজ দেখাইব তোরে ;

অথবা কৃপামানবতে আজিব জীবন, —

কখন দিবনা তোকে, এদেহ স্পর্শিতে ?

(পশ্চাদ্ধিক দিয়া কুমার ইন্দ্রসিংহের প্রবেশ ও দময়ন্তী
পতিকের সঙ্গে যানাত কারণ্য ভূমে নিঃশব্দ করণ,
পরে সেনাদ্বয় আসিয়া তাহাকে বন্দন করণ)

কুমা । ভয় নাই ! কল্যাণী ! আসিয়াছে তোমার—

প্রেমের ভিখারি জন রক্ষিতে তোমারে ;

এন প্রিয়ে —

শশী । হা নাথ ! (পতন ও মুচ্ছ)

কুমা । একি হলো একি হলো—প্রিয়ে ! (দ্রুতগমনে শশী-
কলাকে ধারণ করিয়া অন্ধে রক্ষণ) রঘুবর ! শীঘ্র
একটু জল আন ।

জনৈন্য । যে আজ্ঞা কুমার । (প্রস্থান)

কুমা । উঠ প্রিয়ে, মহামনী ভূমি রে ললনা,
হৃদয় পবিত্র করি, আলিঙ্গি তোমারে,
(রঘুবরের জল আনয়ন ও কুমার জলের ছাট দিয়া
শশীকলার মুচ্ছাপনোদন)

শশী । (অন্ধোপস্থিত হইয়া)

হা নাথ ! হৃদয়েস ! দুঃখিনীর জীবন,
জীবন রয়েছে বৃক্ষি দেখিতে তোমারে,
আশা নাহি ছিল আর দেখিব তোমারে—
এজনমের মত— (রোদন)

কুমা । স্থির হও প্রাণ প্রিয়ে কাঁদ কেন আর,
জগদীশ করেছেন আপদ উদ্ধার ।

(রঘুবরের প্রতি)

রঘুবর ! হুরাত্মাকে রাজধানীতে লয়ে যাও ।

রঘু । যে আজ্ঞা কুমার ! (দস্যুপতিকে লইয়া সেনাদ্বয়ের
প্রস্থান)

শশী । হা নাথ ! এ অভাগিনীর কোন আশাই ছিল না ।
সকল আশাকেই জলাঞ্জলি দিয়াছিলাম । ভাবিয়া-
ছিলাম, বৃক্ষি পিতার অপরাধের ~~বশত~~, এ অধিনীকে
আর চরণে স্থান দিবেন না । আজ বৃক্ষি অনাথনাথ

পার্ব্বতীনাথ, 'চিরছুঃখিনীর প্রতি সদয় হয়ে, সকল
আশাই পূর্ণ করিলেন ।

তুমা ।

(শশীকলার হস্ত গ্রহণ করিয়া (প্রিয়ে ! প্রাণবল্লভে !

তুমি ভিন্ন এ অধীন আর কাহারও নয় ;—আমার পূর্ক
প্রতিজ্ঞা পালনের জন্য, যখন তোমার নাট্যশালার গিয়া
তোমাকে দেখিতে পাইলাম না, যখন তোমার সখীর
মুখে, তোমার অকস্মাৎ অদৃশা হওনের দৃশ্যান্ত শুনিলাম,
তখন আমি সমস্ত জগৎ অন্ধকারময় দেখিলাম । সেই
দণ্ডেই তোমার অনুসন্ধানে প্রবৃত্ত হইলাম । নগরে
নগরে, বনে বনে, পক্ষ্মতে পক্ষ্মতে, অনুসন্ধান করিয়া
যখন কোথাও তোমাকে দেখিতে পাঠিলাম না, তখন
হতাশ হইয়া বনদেবীর সমক্ষে প্রতিজ্ঞা করিলাম,
যে যদ্যপি তোমার কোন অনুসন্ধান প্রাপ্ত
হই তবে রাজ্যে প্রত্যাগমন করিব, নচেৎ
এই বনেই জীবনানশেষ করিব । আজ করুণানিধান
জগদীশ্বরের কৃপায়, তোমাকে প্রাপ্ত হইয়া, আমার
সকল দুঃখ নিবারণ হইল । প্রিয়ে ! তুমি এই নরাধম
দস্যু কর্তৃক অপহৃত হইয়া, নাজানি কতই যন্ত্রণা
পেয়েছ । গাপাত্মা দস্যুরা তোমাকে অপহরণ করে
তাহাদের পাপাশয় চরিতার্থ করিবার জন্য, না জানি
তোমাকে কতই তাড়না করেছে । কিন্তু তুমি
ভারতের অমূল্য সতীত্ব রক্ষা করিবার জন্য, কোম-
লাঙ্গী কুলকামিনী হইয়াও, বীর পুরুষের ন্যায় এই
ওস্ত বারণ করিয়াছ । তোমাকে ধন্য তোমার

সতীত্বকে ধন্য । কি করে অমূল্য সতীত্ব রত্নকে রক্ষা
 করিতে হয়, এবং কিরূপে আৰ্য্যসন্তানগণ স্বপদে
 দৃঢ় থাকিবে, তাহা তোমা হইতেই ভারত ললনারা
 শিক্ষা করুক । তুমিই ভারতের ললনা রত্ন ; তুমিই
 ভারতের গৌরব, তুমিই ভারতের দ্বিতীয় আদর্শ সতী ।
 (ছুইজন দেবাসনা পুষ্পহার লইয়া গান করিতে
 করিতে প্রবেশ ও দম্পতীকে মধ্যে রাখিয়া নৃত্য করণ

গীত ।

সখি, ধর ধর বাসবের মালা উপহার ।
 পারিজাত ফুলে, গাঁথিয়ে মালা,
 দিলাম তুলিয়ে সখী সমাদর ।
 ভারত ভূমেতে, ভরিবে যশেতে,
 জানিবে সকলে সতী বাবহার ।
 (শশীকলার গলায় মালা প্রদান ও শশীকলা একছড়া
 মালা লইয়া কুমারের গলায় অর্পণ)

(নেপথ্যে শঙ্খ ও উলুপুনি ।)

সমাপ্ত ।



শুদ্ধি পত্র

১২ পৃষ্ঠার গীতের পরিবর্তে ।

রাঃ—পরজ্ঞ তাল কাওয়ালি ।
সখি ! কেন এমন হইল ।
হুরগু মদন. হানিরে পঞ্চবান,
অবলার প্রাণ বুঝি বধিল ।
কোকিলের কুহুরব মম শ্রবণে,
মেঘ গর্জন সম লাগে সঘনে,
মম মানস-পাখী বুঝি উড়িল ।
ফুল কমলিনী পরে মধুপ নিকরে,
গুণ, গুণ, গুণ, রবে, মধুর ঝঙ্কারে,
লাগিছে হৃদয়ে মম বিষম শেল ।
বিষম হইল সখি এ যৌবন ভার,
সহা নাহি বার অ'র, কর প্রতিকার,
লোক লাজ ভয় মোর বিড়ম্বনা হইল ।

